

Akabonero Akookuna

Jeffersonville, Indiana, USA

Maaci 21, 1963

1 Musiibyeyo mutya nno. Kati tukotekoko ku mitwe gyaffe katono tusabe.

Kitaffe Ow'ekisa era Ali mu Ggulu, kati, tujja gy'Oli nate leero, mu Linnya lya Mukama Yesu, okukwebaza olw'olunaku olulala. Era tusaba kati omukisa Gwo gube mu lukunngaana olwaleero. Kkiriza Omwoyo Omutukuvu Ajje Atuwe okuvvuunula kw'ebintu bino bye tunoonya ennyo.

Ai Katonda, lube Iwa muwendo nnyo ffenna tusobole okukungaanira ku Kigambo tube nti bwe tuva wano, tunaasobola okugamba, nti, "Emitima gyaffe tegyatutyemuse bwe Yabadde ng'Ayogera naffe mu kkubo."

Tukwebaza olw'ekyo ky'Abadde gye tuli, era twesiga nti Ajja kusigala naffe nga tweyongera okutambula, kubanga tukisabye mu Linnya lya Yesu. Amiina.

2 Nnina essanyu okuba nate mu nnyumba ya Mukama, leero, mu kusaba nate! Era tuli basanyufu. Nsiimye okuba nti . . . Nnalowoozezza nti kino tekijje, naye oluvannyuma kyamaze ne kijja. Kale nneebaza nnyo, nga bw'ali nti y'asembayo ku abo abana abatudde ku mbalaasi, kye ndowooza nti bwe bumu ku bubaka obukulu eri Ekkanisa mu kiseera kino.

Kali akalala sikamanyi. Nkifuna bufuni buli lunaku. Nga bw'Akibikkula, ngezaako — okukibawa, nga . . . Ye nga bw'Akimpa.

Munyimirwa e — omukisa? [Ekibiina kiddamu, "Amiina." — Omuk.] Mwetegerezza engeri ddala gye kigendera awamu, n'emirembe egyo eg'yekkanisa, okukuba ekifaananyi kyennyini ekituukaganira ddala wamu nagyo? Eyo y'engeri gye ki . . . Gyendi, kiraga nti kye — Omwoyo Omutukuvu y'Omum Eyafulumya emirembe gy'ekkanisa, Omwoyo Omutukuvu y' Omum y'Afulumya kino, mulaba, kuba bikwataganye wamu; byombi kikolwa kimu ekinene ekya Katonda, nga Yeeraga mu ngeri ez'enjawulo.

3 Mwetegereze, bwe Yeeraga eri Danyeri, mu kwolesebwa, waabeerangawo akabonero ak'ekintu ekimu, nga e — embuzi wano, oba omuti; ate mu kifo ekiddako newabaawo ekifaananyi ekyole. Era — era — ebintu bye yakola, abikola, bulijo biba ebintu bye bimu, kakasa nti tetukisubwa.

Kati, ddala nsanyusiddwa nnyo gye buvuddeko katono, bwe mbadde njogra n'omukyala ono atudde wano, bambi wa myaka nga kinaana-mu- etaano eg'yobukulu. era a . . . Ebbanga si ddene, bwe nnali nnaatera okugenda ebugwanjuba, kubanga, waaliyo e — waaliyo eyo omuwala mu Ohio, ng'oyo, ndowooza, yali afa ng'ali mu mutendera ogusembayo ogwa kookolo ow'omu musaayi. Kati, lukeemiya ye kookolo ow'omu musaayi. Era, oh, bambi yali mu mbeera mbi nnyo, nga tewakyaliwo ssuubi nti ayinza okulama. Baali bamuliisiza mu misuwa, okulongoosebwa. Kale gaali maka maavu nnyo. Era bo . . . Mukyala Kidd, ali wano, n'owooluganda Kidd, baababuulira Mukama nga bw'Ayanukula ennyo essaala. Beegatta wamu, ndowooza, ne bapangisa omuntu, omuwala ne bamuleeta.

4 Era yali muwala mulungi nnyo, kwe kugamba, oh, ng'awezenza emyaka nga mukaaga, oba musanvu eg'yobukulu. [Mwannyinaffe omu agamba, "emyaka mwenda." — Omuk.] Emyaka mwenda. Era — era yali eyo mu kisenge. Kati nga . . . Bwe twagenda mu maaso ga Mukama, Omwoyo Omutukuvu n'Amuwa ekigambo. Omanyi, era baalina okumutwala baalina okumuyingiza bamuliise, mu ngeri eyo, kati olwavaawo, ng'akaabira akagaati, era, bwe kityo, olwo n'atandika okuliira mu kamwa. Ne bamuwa akagaati, n'agenda mu maaso okulya mu ngeri eya bulijjo.

Mu bbanga si ggwanvu, mu nnaku ntono, baamuzzaayo ew'omusawo. Era ne ba . . . Omusawo yali tasobola busobozi okukitegeera. Yagamba nti, "Kirabika, omuwala ono si y'oli." Yagamba, "Kale, te — tewaliwi wadde akabonero ka kookolo w'omu musaayi wonna wonna, wadde, akatono kati." Kale, bwe kityo, yali afa. Baali bamulemeddwa; nga bamuliisiza mu misuwa. Yali ayengeredde. Mumanyi engeri gye babeeramu. Kale olwo. . . Era kaakati ali ku ssomero, azanya ne baana banne, nga musanyufu ddala.

5 Kinzijukiza ekintu ekirala bwe kityo. Lumu, nnali nnaakakomawo eka, waaliwo . . . Bwe mba sseerabide, baali ba Episcopalian oba ba Presbyterian, abaali baleese omuwala okuva mu Kansas. Era abasawo baali bamulemeddwa, olwa kookolo w'omu musaayi. Ne bamuwa, nkakasa, ennaku nnya ziggweeko afe; yali atuuse mu kiseera ekizibu ennyo. Kale ne bagamba nti ka bamale ezo nnaku ennye ezisigaddeyo nga batambula okujja wano, nga bayita mu muzira n'ebirala, nga batindigga olugendo oluwanvu, okumuleeta asabirwe.

Era jjajjaawe omusajja, alabika obulungi, musajja mukulu, yali mukadde wa nvi. Baali babadde naye, nga bamaze, ennaku bbiri, awo mu kawooteeri. Nze — gye ndowooza kati nti tekakyaliwo, ku ludda luno olwa Silver Creek. Kale ku olwo nagendayo okumusabira.

6 Bwali nkya mu matulutulu. Nnali ku olwo nkomyewo, nga nva mu kibuga, ne nngendayo. Musajja mukulu kitaawe . . . Jjajjaawe yali yeetawula. Era, nnyina, ng'agezaako okujjanjaba omwana oyo. Bwe nnali nfukamidde okusaba, Omwoyo Omutukuvu n'Ambikkulira ekyama ekyali wakati wa — wa nnyina

w'omwana ne kitaawe, ekintu kye baali baakola. Nnabazza ku bbali ne nkibabuuza. Baatandika okukaaba, ne bagamba, "Ekyo bwe kiri."

Olwo nnatunula emabega, ne ndaba omuwala ng'abuuka omugwa, ng'agenda, azannya. Era kati omwana oyo . . . Mu bbanga lya wiiki nga ssatu bampeereza ekifaananyi ky'omuwala, ng'azzeeyo mu ssomero, ng'abuuka omugwa, nga takyalina kookolo wa mu musaayi, n'akatono.

Kati, kati, obujulizi obwo bwa mazima agenkukunala, olaba. N'olw'ekyo, Katonda waffe wannamaddala, olaba. Tumuweereza buweereza era — era ne tumukkiriza. Era — era nze — mmanyi nti wannamaddala.

7 Kati, ngezaako nga bwe nsobola, kyokka era nga waliwo ekintu, eky'omu nda, wakati mu ffe, ekikoleramu. Era kati tugenda kugezaako, olwaleero, olw'ekisa kya Katonda, okukwata ku Kabonero kano Akookuna, tulabe kiki Omwoyo Omutukuvu, ky'Anaatugamba mu ko.

Kati, nngenda kusoma O — Okubikkulirwa, essuula eyoomukaaga, okutandikira ku lunyiriri olwomusanvu; 7 ne 8. Ennyiriri ziba bbiri bbiri; olusooka kwe kulangirira, n'olwokubiri ky'ekyo kye yalaba.

Bwe yabembula akabonero ahookuna, ne mpulira eddoboozi ly'ekiramku ekyokuna — ekyokuna nga kyogera nti, Jjangu olabe.

Ne ndaba, era, laba, embalaasi eya kyenvu; n'eyali atuddeko (oyo atudde) erinnya lye Kufa; ne Magombe n'agenda . . . naye. Ne baweebwa obuyinza ku kitundu ekyokuna eky'ensi, okutta n'ekitala n'enjala, n'olumbe, era . . . n'ensolo z'ensi.

Kati, Mukama Atuyambe kino okukitegeera. Kyama.

8 Kati, tusooke tuyiteeyitemu katono, okusobola okukinyweza, nga bwe twakola emirembe gy'ekkanisa, abavuzi b'embalaasi bano n'okubembula kw'Obubonero buno. Kati, kale tukiteekere ddala mu mitima gyaffe, tulindeko katono oktuusa Iwe tunaawulira nga kye kiseera ekituufu okwogera.

Kaakati, kati twetegerezza, nti, okubembula Obubonero, ky'Ekitabo ky'Obununuzi ekisibeko. Ekitabo kizingiddwako okufaanana ng'omuzingo, ng'enkola enkadde bwe yabanga. [Ow'oluganda Branham annyonnyola enzinga n'ensiya ey'omuzingo, nga yeeyambisa omuko gw'olupapula — Omuk.] Tekyali kitabo kya kika kino; kubanga kino kyakajja, ebitabo eby'ekika kino, oh, ndowooza byakabaawo emyaka nga kikumi-mu-ataano, oba bwe kityo, egiyise. Kale baaguzingangako, enkomerero ne bagireka nga si nsibe. Nga bwe nnabagamba engeri gye kyakolebwanga, n'Ebyawandiikibwa, we binoonyezebwa, mu Yeremiya n'ebirala. Olwo omulala gwazingibwangako, enkomerero neerekebwa nga si nnywevu, ne kiba bwe kiti. Era buli gumu gwalinga Kabonero. Kyali Kitabo kya mizingo Musanvu, era kyali . . . Tewali n'omu . . . Bwe baali . . . Kyali Kitabo eky'emizingo Omusantu eky'Obununuzi. Munsonyiweko.

9 Kati, olwo, tewaaliwo mu Ggulu ne ku nsi, oba wansi w'ensi, yali asaanidde kukizingulula oba wadde okukitunulako. Yokaana yakaaba, kubanga teyalaba mutu . . . Kubanga, singa Ekitabo ekyo kyajjibwa mu mukono gwa Nnyinikyo eyasooka . . . Gye kyali kisuuliddwa Adamu ne Kaawa, ne kiddayo, oluvannyuma lw'okufiirwa eddembe lyabwe ery'Ekigambo, ebisuubizo, obusika bwabwe.

Abo, jjukira, baafuganga ensi. Ye yali — ye yali katonda omutono, kubanga yali mwana wa Katonda. Omwana wa Katonda aba ka — ka — katonda mutono. Kati, ekyo tekikontana na Byawandiikibwa. Mmanyi kiwulikika bulala. Naye Yesu Yagamba, "Oba abo, abajirwa Ekigambo kya Katonda mubayita . . ." Era Ekigambo kya Katonda kijja eri ani? [Ekibiina kiddamu, "bannabbi." — Omuk.] Bannabbi. "Oba mubayita 'bakatonda,' abo abajirwa Ekigambo kya Katonda, muyinza mutya okunnenya bwe Nngamba nti Ndi Mwana wa Katonda?" Mukiraba?

10 Era, kati, baali bakatonda.

Era ssebo, bw'ozaalibwa mu maka g'erinnya ly'amaka gammwe, oli mwana, era kitundu ku kitaawo. Kati olwo — ekibi bwe kyayingira, twalaba nti omuntu yasomoka olukonko. Era — kati omusaayi gw'ente ennume n'embuzi, gwabikkangako, wabula tegwasangulawo, oktuusa, ekisaanusa era ekiggyawo amabala kyennyini Iwe kyajja, ekyali kisobola okuggyawo ebbala ly'ekibi ne kirikutulakutulira ddala mu butundutundu, ne kirizzaayo eri oyo eyasooka okukyamya, oyo yali Setaani.

Bwe kyaddayo ewa Setaani, alindiridde ekiseera kye eky'okusaanyizibwawo ddala obutaddayo kulabika. Kati, ekyo kiraga kiki kye tukkiriza. Tukkiriza nti alizikirizibwa ddala era alisaanawo.

11 Nkakasa nti ekibi kirikutulakutulwa. Era bwe kyatulwa, okusinziira ku Musaayi gwa Yesu Kristo, kifaanana nga okutonnyezza ettondo lya bwino omuddugavu mu kisaanusa amabala ekiyitibwa Clorox. Kikikutulakutula mu bintu ebitali bimu, ne kikiddizaayo ddala gye kyava. Olaba? N'Omusaayi gwa Yesu Kristo bwe gutyo bwe gukola.

Olwo, ekyo omuntu kimuteeka nate emitala w'olukonko, ng'omwana wa Katonda. Olaba? Olwo ye —

olwo n'afuuka e — e . . . Kale, naye yennyini . . . Amaanyi ga Katonda agatonda gabeera mu ye. Era, buli, Katonda Iw'Akiragira okukolebwa, kijja kukolebwa. Era tuddayo. Awo we wa — e . . .

12 Musa, wansi w'omusaayi gw'ente ennume; bwe yasisinkana Ekitangaala, Empagi eyo ey'Omuliyo mu Kisaka ekkyo ekyali Kyaka. N'ayimirira, ng'ali eyo, ku kiragiro Katonda kye Yamuwa. Yali nnabbi. Era Ekigambo kya Mukama bwe kyajja gy'ali, yayogera, era ebintu ne bitondebwa olw'Ekigambo. Olaba?

Kati, oba kyali kisobola okukola ekkyo wansi w'ekkyo, omusaayi gw'ente ennume, ate ggwo Omusaayi gwa Yesu? Tegwabikka bubissi; naye gwakiggyirawo ddala, kyonna wamu. Oyimirira mu kubbeerawo kwa Katonda, ng'omwana omununule. Kati, mukiraba, Ekkansa eri wansi nnyo ku ddaala ly'obulamu bwayo. Era ndowooza, emirundi gisusse obungi, nga tunoonyereza bunoonyereza mu kifo ky'okuvirayi ddala ne twolekera ekintu ekikulu. Waliwo kye njagala okwogera, era nja — njagala kukyogera ng'ekiseera kituuse.

13 Era kati mulabeeyo, waliwo mu makanisa ekintu ekikyamu awantu. Era ndowooza z'enkola z'amadiini ezikyamya emitima gy'abantu, n'ebirala, ne batuuka okuba nti tebamanyi ngeri ya kukikola. Ekyo bwe kiri. Naye twasuubizibwa nti kiribikkulwa.

Era kati waliwo Obubonero Omusanvu obuzingiddwa mu Kitabo kino, era Obubonero obwo Omusanvu kati . . . Ate oluvannyuma ng'Obubonero buno Omusanvu buwedde, mu Okubikkulirwa 10, tusangamu, ebibwatuka eby'ekyama musanvu Yokaana bye yalagirwa okuwandiika, naye ate ebyo byo n'agaanibwa okubiwandiika. Kati mu kiseera eky'ebibwatuka ebyo, tulaba Kristo, oba, "Malayika Akka ne musoke, n'Ateeka ekigere Kye ku nsi ne ku nnyanja, n'Alayira nti ebiseera byali biweddeko, mu kiseera ekkyo."

14 Ate olwo ne tulaba — ne tulaba nti, mu kubikkula Obubonero, O — Omwana gw'Endiga Yali Avudde ku mulimu Gwe ogw'okutabaganya ng'Omuholereza, era Yali Avuddeyo kati okubanja ebibye. Bonna be Yali Anunudde olw'okufa Kwe.

Kati, olwo, tewaali yali asobola kubikkula Kitabo. Tewaali n'omu yakitegeera. Kyali Kitabo kya Bununu. Era Katonda Kitaffe, Omwoyo, Ye Yakirina mu mikono Gye kubanga Kristo Yali ku Nnamulondo ng'Omuholereza, Omuholereza Yekka. N'olw'ekkyo, waali tewasobola kubaawo mutukuvu yenna, Malyamu, Yusufu, oba ekintu kyonna ekirala, ku kyoto ekkyo, kubanga gwali musaayi. Era Musaayi gwokka ogwa Yesu gwe gwali gusobola okukola omutango, kale tewaali kintu kirala kyali kisobola kuyimirirawo ng'omuholereza. Ekyo bwe kiri. Tewaaliwo kintu kyonna kirala.

15 Kale endowooza eno yonna ey'okwegayirira Yuda awolereze bannabyabufuzi, n'okwegayirira omutukuvu Cecilia abeeko kyawolerezaamu, ebyo bya butalimu. Ebyo tebiri . . . Si — sigamba nti abantu abo si beesimbu era abeesigwa. Sigamba nti temuli beesimbu mu kukikola, bwe muba mukikola. Naye, muli bakyamu, muli — muli beesimbu mu bukyamu. Era ekintu kyonna . . .

Bagamba, "Kale, bino — Malayika Ono, Ono — Ono eyalabikira omutukuvu Bonifansi n'ayogera kino, ekkyo, oba ekirala. Era kino bayinza okukyogera."

Ekyo sikibusabuusaamu n'akatono, mu ndowooza yange, wabula kyali kintu omuntu kye yalaba mu kwolesebwa, si — sibusabuusa ekkyo kyennyini Joseph Smith kye yalaba mu kwolesebwa, naye kyali tekigendera wamu na Kigambo kyonna kye kigamba. N'olw'ekkyo, ku Iwange, ekkyo kikyamu. Olaba? Kirina okugendera awamu n'Ekigambo kyonna.

16 Bwe kityo bwe kiri ku mirembe gy'ekkanisa, n'Obubonero, n'ebirala byonna ebisigaddewo. Era omuntu yenna bw'alowooza nti alina ebibwatuka ebyo omusanvu, bwe biba nga tebigendera wamu na Kigambo kyonna mu bulamba, waba waliwo ekikyamu. Olaba? Kirina kujja nga kiri, BW'ATYO BW'AYOGERA MUKAMA, kubanga kino kye Kitabo. Kuno kwe kubikkulirwa kwa Yesu Kristo, mu bulamba bwakwo. Kati, nze —

Olwo nzikiriza nti Omwana gw'Endiga Yavaayo Tebaamanya. Yokaana yali akaaba. Teyalabayu muntu yenna mu Ggulu, ne mu nsi, kubanga bona baali ku ludda luli olw'olukonko, mulaba, ekibi.

17 Tewaali muntu yenna . . . Ne malayika, mu buli ngeri, yandibadde asaanidde, naye, mu byonna, yali atekwa kuba wa mu lulyo. Yalina kuba muntu. Era tewaali kintu kyonna kya ngeri eyo, kuba buli muntu yenna yali azaaliddwa kuyita mu kutabagana kwa musajja na mukazi. Kyali kyetaagisa Oyo eyazaalibwa nga tayise mu ngeri eyo. Kale ekkyo Katonda Yakikola, mu kuzaalibwa awatali kumanya musajja, n'Afuuka Emmanweri. Era Omusaayi Gwe gwe gwali gusaanidde. Kale bwe yasomoka olukonko luno, Ye Yennyini, n'Asasula omuwendo ffe abasigaddewo n'Atuteerawo olutindo, olwo Yatuula, ng'Omuholereza. Era Abaddenga awo ng'Atudde. Era ddala Ekitabo kibaddenga kibikke, ekiseera ekkyo kyonna. Kiri awo, naye nga kiri mu bubonero.

Baakiraba.

18 Yokaana n'okukiraba yakiraba. Okulangirira okwasooka, bwe kwajja, yagamba, "Embalaasi enjeru yavaayo; ng'eriko omwebagazi; Yalina omutego gw'akasaale mu mukono gwe." Obwo bubonero. Ekyo si kibikkule. Nedda, kabonero bubonero akâlagaa. Era, ng'omuntu omulala yenna ku nsi, ky'ekkyo kyokka kye

yali asobola okwogera. Ekyo bwe kiri. Asobola okwesittala n'atagala, tewali kubuusabusa, n'akoonako wano oba wali, okumala akabanga.

Naye tukiraba, olwo, nti mu Kitabo ky'Okubikkulirwa, "mu kiseera ky'Obubaka bwa Malayika Owoomusanvu, ebyama (ebyama byakyo byonna) mu kiseera ekyo birina okuba nga bimaze okubikkulwa." Kat, ekyo kiri mu Okubikkulirwa 10:1-7, nti biteekwa okubikkulwa okusinziira ku kiseera ekyo, mu kiseera ekyo waakolera.

Olwo ebibwatuka omusanvu byatula amaloboozi gaabyo agatali ga bulijjo, era awo Yokaana we yali agendera okuwandiika. Naye, Yokaana yamanya ki kye kyali, naye te — teyakiwandiika kuba yagaanibwa okukiwandiika. Ekyo mu buli ngeri yonna, era okutwalira awamu, kyama. Tekiri na mu bubonero wadde ekintu kyonna. Kye tumanyi kyokka Ya . . . Kyabwatuka, ky'ekyo kyokka.

19 Era kati mu kuyiga kino, kati, temwerabira, sande, oba ku sande ku makya, twaggyeewo okusabira abalwadde olw'okwagala okwanukulwa e — ebibuuzo by'abantu. Kat, njagala mubuuze ebikwata ku Bubonero Omusanvu buno, bwe kiba kibatawaanya, ekintu kye mutategeera. Ka tube nakyo ku Bubonero Omusanvu, olwo nja kubagamba, we tunaatuukira ku ku Iwomukaaga oba bimala oku — okusobola okubyanukula oba nedda, olaba. Kat, olwo, tusobole okugamba, kale, ku kintu ekirala, oba, "Kino nkikole?" oba — oba, nnyinza okuba n'ekirooto, byonna ebyo, kati, mujukire, ebintu ebyo byonna bisaanidde. Bintu ebisaanidde. Naye ka tusigalire ddala n'Obubonero Omusanvu. Ky'ekyo kyennyini kye tuliko. Leka tu . . . Ekyo kye — ekyategesezza olukunngaana, Obubonero Omusanvu. Ka tubeerere ddala n'ekyo.

20 Nina okugenda eka, nina okuba n'enkunngaana ntonontono eyo mu Bugwanjuba. Nja kukomawo nate, oluvannyuma lw'omwezi nga gumu oba ebiri, oba mu bbanga bwe lityo, era oba oli awo Mukama Ananzikiriza ne tuba n'ekintu ekirala ku olwo, oba oli awo olukunngaana olw'okusabira abalwadde oba ekintu ekirala, oba kyonna kye tu . . . Kyonna kye kiri. Olwo tulina obugombe musanvu wano obutannavaayo, mulaba. Kat, obwo bwonna buyingira muno, nabwo. N'ebibya omusanvu, olaba, eby'okufukibwa. Kale, byonna bikwataganira ddala muno, naye ebyo byonna bikyali bya kyama.

Kati, eggulo . . . Twalabye nti Akabonero Akasooka kaafuluma, era omwebagazi . . . Ne Mukama . . . Kale munsonyiwe, okusooka nnali siki manyi; ebintu bino tewali kye nnali mmanyi okusooka. Ekyo bwe kiri. Era nnali simanyi bumanya. Nngenda bugenzi eyo, ne nkwata Bayibuli ne ntuala awo wansi, ne ntuala awo okutuusa lwe kigenda nga kye bembula bwe kityo. Olwo ne nkawata ekkalaamu yange ne ntandika okuwandiika. ne mbeera eyo, oba oli awo okumala essaawa eziwera, okutuusa lwe ki — kiggwaako.

21 Oluvannyuma nzirayo, ne nnoonya, nga bwe mba ndabье wa w'Ayogedde kino. Ne ndowooza, "Kale, kirabika ng'ekyo nina we nkirabye." Nkwata ekitabo kyange ekirimu endagiriro ya buli kigambo mu Bayibuli (concordance), ne nzirayo okwetegereza. "Waliwo ekintu ekyakula bwe kityo? Era kiikino wano wennyini. Era kiikino wano nate. Wano kiikino eno emabega, ne wano wammanga, na wali." Olwo ne nkikwataganya wamu. Mmanyi Oyo Katonda, kasita kiba nga kikwatagana n'Ebyawandiikibwa. Bw'otyo bw'olina okukola. Kiringa bw'ozimba ennyumba, amayinja galina okutuukagana, buli limu ku linnaalyo.

22 Kat, eggulo twabadde n'okubembula kwa — kw'Akabonero Akookusatu. Okusooka yali muvuzi wa mbalaasi njeru, era eyaddako yali ku mbalaasi mmyufu, era olwo embalaasi nzirugavu. Era tusanga nti abavuzi yali muvuzi omu, emirundi gyonna; era oyo ye yali omulabe wa Kristo okusooka, teyalina — teyalina ngule, naye oluvannyuma yagifuna. Olwo ne tulaba ng'oluvannyuma yaweebwa ekitala, okuggyawo emirembe ku nsi, era tusanga nti ekyo yakikola.

Era olwo ajja n'ebikwate eby'okutunda, ng'aguza ekkanisa, ng'apima ddinaali olwa kino, ne ddinaali bbiri olwa kiri. Naye yagaanibwa okukwata ku mafuta n'omwenge, ebyali byasgalawo ebitono.

23 Kati eggulo, twalese tuwadde okunnyonnyola, kiki amafuta n'omwenge kye byali, n'ebyo ebyakivaamu. Era ffe . . . Kyandiba nga kyawulikiseemu katono nga kikalubo, naye nze . . . Ago ge Mazima gennyini. Olaba? Kat, kye twakomyeko . . . Leka, mu kaseera katono, tukyejjukanyeemu kati. Era we twagendedde, twakomye ku maanyi ag'omwenge, amafuta kye gaali galaga, mu Mwoyo. Kat, ndowooza mwenna mwabiwandiise byonna. Mujja kukisanga ku lutambi, bwe muba temwabiwandiise. Ne we munaasanga Ebyawandiikibwa, ekyo, Amafuta bulijjo kabonero ka Mwoyo Mutukuvu. Ng'abawala embeerera abasirusiru abataalina mafuta, n'embeerera abagezi abaalina amafuta, nga ogwo gwe Mwoyo Omutukuvu. n'emabega, mu — mu ba — bannabbi, n'ebirala.

Era kati nja . . . Kwo okuba, sigezaako kuggyayo buli Kyawandiikibwa. Era waliwo ebintu by'otayinza na kwogerako; kyanditutte ekiseera kiyitirivu obuwanvu. Naye ngezaako wano, okuteekawo Ebyawandiikibwa n'ebirala, ebiba bimala okuwa abantu kale kijja kubamanyisa n'okubalaga ekifaananyi kyakyo.

Naye bw'otuula wansi n'akamu ku Bubonero obwo, kale, munnange, oyinza okumala omwezi mulamba ku kubuulira kumu kwokka buli lunaku, ku Kabonero ako kennyini ate n'osigala nga tokakutte nako, olaba,

ku kamu kokka ku bwo. Era bwe kityo bwe — bwe kityo bwe bifaanana. Naye, tukoona bukoonyi ku bikulu ebikalimu, olwo oba osobola — osobola okulaba kyonna kye kiri.

24 Kati, nga amafuta bwe gali akabonero k'Omwoyo Omutukuvu, bwe tutyo tusanga nti amafuta ago n'omwenge gakwatagana n'okusinza, olaba, bulijjo gakwatagana n'okusinza. Era omwenge, nnagamba, ekinzijira, nti omwenge kabonero akalaga nti ge gaali amaanyi — agaali amaanyi ag'okukyamuka olw'okubikkulirwa. Olaba? Ekyo kibaawo ng'ekintu kibikkuddwa. Kireetera omukkiriza okukyamuka, kubanga kiriwo ku lwa kubikkulirwa. Mukiraba? Kye kintu Katonda ky'Ayogedde. Kyama; tebayinza kukitegeera, mulaba. Kati olwo, nga wayise akaseera, Katonda Akka era n'Akibikkula, era n'Akikakasa.

25 Jjukira, Amazima bwe gabikkulwa, Amazima gakakasibwa. Katonda, olubeerera, si nsonga omuntu ne bw'aba yenkana wa, nga mugezi kwenkana wa mu kutegeera kwe, Katonda bw'atawagira ekyo kyayogera wabaawo ekikyamu. Ekyo bwe kiri, kubanga kye Kigambo.

Kati, Musa bwe yagenda eyo ng'ali wansi w'okulunngamizibwa kwa Katonda, yagamba, "Leka wabee wo ensowera." Ensowera zajja. Era nti, "Leka ebikere bijje." Ebikere byajja. Olaba, watya singa yagamba, "Leka ensowera zijke," ne zitajja? Mukiraba, Olwo — yandibadde teyayogedde Kigambo kya Mukama, olaba; yandibadde ayogedde, ng'ayogedde bigambo bye ku bubwe.

Ayinza okuba nga yallowooza nti ensowera zisaanye okubaawo. Naye, awo — tewaaliwo nsowera zajja, kubanga Katonda yali tamugambye kukikola. Era Katonda bw'Akugamba ekintu kyonna, n'Agamba, "Genda okole kino, era Nja kuberera ddala nakyo, kubanga kino Kigambo Kyange," era n'Akiraga mu Bayibuli, olwo Katonda Ayimiririra ddala emabega waakyo. Era bwe kiba nga tekyawandiikibwa mu Bayibuli, Katonda Ayimirira emabega waakyo, mu buli ngeri, bwe kiba nga Kigambo Kye. Mukiraba? Era olwo bwe kiba ebweru waakyo, kibikkulirwa bannabbi. Tukiraba nti ebyama bya Katonda byonna bimanyibwa bannabi, era abo bokka. Olaba, Amosi 3:7.

26 Kati, kati, amaanyi g'okubikkulirwa galeeta okukyamuka eri omukkiriza. Kubanga, amaanyi g'omwenge, omwenge ogwa bulijjo, kwe kukyamula. Mukiraba? Kuba ku — okuleetera muntu oyo aba ayongobedde, okukyamuka. Olaba? Olaba?

Kale, olwo, kati, waliwo amaanyi g'okubikkulirwa kw'Ekgambo, gawa omukkiriza okukyamuka okw'essanyu, okukyamuka okw'obumativu, okukyamuka nti kiragiddwa, kikakasidda. Kyogerwako, mu Byawandiikibwa, nga bwe twagala okukyogerako, nga "omwenge omusu." Bulijjo tukyogerako bwe tutyo, nti, "Bano batamidde omwenge omusu." Olaba? Kale. Oba, "omwenge ogw'omwoyo." Ndowooza, kwe okuvuunula okusingayo. Kyandibadde, "mwenge ogw'omwoyo."

27 Omwenge ogwa bulijjo nga bwe gwebikkulira mu maanyi amakyamufu, n'omwenge omusu, bwe gutyo bwe gukola nga gubikkula Ekgambo kya Katonda, ng'ogwo gwe Mwoyo. Oh, kati waliwo . . . Ekyo ye . . . Olaba, Ekgambo Kyennyini Mwoyo. Ekyo mukikkiriza? [Ekibiina kiddamu, "Amiina." — Omuk.] Ka tukisome. Tukisome, Yokaana 6. Kati tu . . . Yee, olwo mu — mmwe — muleme okugamba, "Kale, kati, gundi yagamba bw'ati." Leka — leka tulabe eyakyogera, olwo tujja kumanya oba ge Mazima, oba nedda. Omutukuvu Yokaana, essuula eyoomukaaga Era essuula eyoomukaaga, era nga ndowooza lwa nkaaga- . . . olunyiriri lwa 63, Kale, ndowooza bwe luri. Yee.

Omwoyo gwe guleeta obulamu; omubiri teguliiko kye gugasa: ebigambo bye mbagambye, gwe mwoyo, bwe bulamu.

28 Ekgambo Kyennyini gwe Mwoyo. Gwe Mmwoyo mu ngeri y'Ekgambo. Era olwo, olaba, bwe kizukizibwa, oba bwe kifuulibwa ekiram, Omwoyo gw'Ekgambo gugenda ne gukola omulimu. Mukiraba? Kubanga ekyo . . . Kati mulabe wano. Ekirowoozo kirina kuba kirowoozo nga tekinnaba kuba kigambo. Olwo ekirowoozo bwe kifulumizibwa, ne kiryoka kiba ekgambo. Kati, kino kirowoozo kya Katonda kye Yateeka mu Kigambo. Olwo ffe bwe tukifuna okuva gy'Ali, kifuuka Kigambo. Katonda Yabikkulira Musa kiki eky'okukola. Musa yakyogera, ne kibeerawo. Mukiraba? Ky'ekyo, bwe kiba nga ddala kiva wa Katonda.

Kati tulaba nti, ekyo — ekyo ki — kikyamusa era ne kireeta essanyu, kubanga Kigambo kya Katonda. Kati omwenge omusu, omwenge omusu gukyamusa bwe . . . gubikkula Ekgambo. Olwo, ne kireeta essanyu ery'ensusso, oluusi. Ekyo twakiytamu, nti kireeta essanyu okutuuka wenna lwe likusukkako.

29 Kati, mmanyi waliwo bingi eby'akajanja, era n'eby'akazoole. Mmanyi oluusi bakikola okuyimba nga kubunye wonna, na buli kimu. Era mmanyi ekyo bwe kiba. Era nze — nange, ekyo nkikkiriza. Naye ndabye abantu emisana, kasita ennyimba ziba nga kweziri, abantu bona nga babuuka era nga baleekaana; naye nga oluyimba bwe luggwaako, ne balekera awo. Olaba? Nzikkiriza . . . Kale, ekyo, era si kikyamu, nze nga bwe mmanyi, olaba, abantu kasita batambulira mu butuukirivu. Era . . . Naye, kati, awo, otandika okuleeta Ekgambo! Kati, ekyo ky'ekintu kyennyini ekireeta Obulamu, Ekgambo, era ekyo kireeta essanyu ly'okukyamusa kw'omwenge omusu. Olaba? Mazima. Era ekyo kye kyaliwo ku Pentekoote, Ekgambo bwe kyalabisibwa.

30 Kati mulabeyo. Kati, Yesu Yabagamba, Lukka 24:49, "Era laba, Mbawereza mmwe okusuubiza kwa

Kitange; naye mubeere mu Yerusaalemi mulindirire okutuusa . . ." Okusuubiza kwa Kitaffe kwali kusuubiza ki? Yoweeri 2:28, kubanga, tusanga nti, yali agenda "kufuka Mwoyo." Isaaya 28:19, nga bwe baali bagenda okuba ne "emimwa eginanaagira, n'okwogera mu nnimi endala," n'ebantu bino byonna. Baagendayo. Era nga bwe twakirabye,

oba oli awo omu yagamba, "Kale, nzikiriza tulinze ekimala. Ka tukitoole butoozi n'okukkiriza." Eyo yali njigiriza nnungi eya Baptist, naye teyakola mu booluganda abo. Kale olwo, ky'olina okumanya, kyali kirina kuba kyannamaddala. Era baalindirira obuweereza bwabwe, olwo Ekigambo kiryoke kikakasibwe.

Kale bw'ojja okunoonya Omwoyo Omutukuvu, okola ekintu kye kimu. Ddala, tosobola kikitwala kuyita mu kukkiriza. Olina kutwala Kristo kuyita mu kukkiriza. Ekyo ddala bwe kiri. Era otwala Omwoyo Omutukuvu okuyita mu kukkiriza; naye kati olwo leka Omwoyo Omutukuvu Ajje Akukomole, ng'obujulizi nti Atutte okukkiriza kwo, olaba.

31 Kati, olaba, "Ibulayimu yakkiriza Katonda, ne kimubalirwa okuba obutuukirivu." naye Katonda Yamuwa akabonero k'okukomolwa, ng'obukakafu nti Katonda Yali Akkirizza okukkiriza kwe. Kale ekyo kintu kye kimu naffe kye tuteekwa okukola. Tuteekwa okulindirira Omwoyo Omutukuvu okutuusa ng'Alina ky'Akozeewo; si Iwa kuba twogedde ennimi, si Iwa kuba tuzinye, oba twakyamuka, twaleekaanye. Okutuusa nga tukyusiddwa; okutuusa lwe wabaawo ekintu ekyannamaddala! Sifaayo ngeri ki gye kijjamu. Kasita kibaawo, ekyo kye kintu ekikulu. Olaba?

32 Era nzikiririza nti okwogera ennimi n'ebantu bino byonna ebirala birungi, naye ekyo kyokka ku bwakyo tekijja kukola. Era okimanyi nti tekijja kukola. Kale, ekyo tekikikola. Ndabye abaloge nga boogera mu nnimi, ndabye abasamize nga boogera mu nnimi ne bazinira mu mwoyo. Mazima ddala. N'ateeka ekkalaamu wansi neewandiika mu lulimi olutamanyiddwa. Era omuntu n'aluvvuunula, ekyo bwe kiri, ate era nga mazima. Ky'ekyo. N'awandiikira ddala ekyo kyennyini ekibaddewo, era nga ddala bwe kityo bwe kibadde.

Nnabalaba nga bayiwa enfuufu mu mitwe gyabwe, ne beesala obwambe, emitwe gyonna ne bagibunya omusaayi gw'ensama oba ekintu ekirala, era — era, ddala, olaba, olwo ne bayita setaani. Kale, mulabe, ekyo teki . . . Okwogera mu nnimi tekukikola.

"Newankubadde njogera mu nnimi ez'abantu ne bamalayika, ne siba na kwagala, tekirina kye kingasa. Olaba, wadde nsobola okukikola." Olaba? N'olw'ekyo ebintu bino tebitegeeza nti olina Omwoyo Omutukuvu. Naye Ye, omuntu, O — Omwoyo wa Kristo Atavunda bw'Afuuka Omulokozi wo, n'Akukyusa, n'Akutunuza butereevo mu Kalivaaliyo n'eri Ekigambo Kye, waba waliwo ekintu ekibaddewo. Yee, ssebo. Waliwo ekibaddewo. Tewali ajja kukikubuulirako, ojja kukimanya bwe kinaaberawo.

33 Era omwenge omusu, bwe guleeta okubikkulirwa, olwo kiba kibikkuddwa. Era bwe kityo bwe kyali ku Pentekoote. Baamanya nti — nti waali walina okubaawo Omwoyo Abafukibweko, era baalindirira okutuusa kino lwe kyabeerawo. Okukakasibwa kw'okubikkulirwa bwe kwabeerawo, olwo okukyamuka kwali kubaliko. Ddala baakufuna. N'okukyamuka baakyamuka.

Baaboo, mu nguudo, eyo, gye baatyanga, ne beggaliranga mu nju. Kyokka kati ne bagenda ku nguudo; eyo, gye baali batidde ekibiina ky'abantu; ne bababuulira Enjiri. Ekyo bwe kiri. Olaba? Waliwo ekyabeerawo, kubanga Ekigambo ekisuubize eky'amazima kyakakasibwa.

Kati ka tuyimirireko wano katono.

34 Oba ng'ekyo kyaleetera abasajja abo obuvumu, abaali ba — bo . . . kumpi buli omu ku bo obujulizi bwe bwali mu okuyiwa omusaayi. Si nsonga kiki ekyabatuukako, tebaakivako, obulamu bwabwe bwonna. Kyasigalawo, kubanga kye kyali Ekigambo kyennyini ekyasuubizibwa, ekyakakasibwa. Okubikkulirwa kwakakasibwa. Era ne bafa, ne banywezanga obujulizi bwabwe okutuusa ku kuiwa omusaayi gwabwe.

Kati, tunula ku kisuubizo ky'ennaku ez'oluvannyuma. Era wano tukiraba nti kikakasiddwa mu maaso gaffe gennyini, e — okujja kw'Omwoyo Omutukuvu okw'ennaku za leero n'emirimu gy'Alindiriddwa okukola, era tukirabira ddala wakati mu ffe. Olaba? Oh, tusaanye . . . Oh, abange! Tuyinza tutya okukiwlira? Wabaawo ekintu, ka nkubuulire, mukwano gwange! Bwe wabaawo omuntu yennyini, omutuufu, omwesimbu, eyategekebwa ng'aliba mukkiriza, Ekitangaala ekyo bwe kimulisa ku nsigo eyo, waliwo ekitutunukayo eri Obulamu obuggyaa.

35 Jjukira omukazi oyo ow'oku iuzzi! Bakabona abo, abayivu we baagambira, "Kale, oyo setaani. Mulaguzi. Oyo — alagula bulaguzi bantu abo, era oyo — oyo ye setaani." Naye, omukazi oyo, eyalimu ensigo eyo eyategekebwa!

Kati olowooza nti ekyo si kituufu? Naye Yesu Yagamba "Teri ajja eri Kitange, okuggyako nga Kitange Amuwaludde; era bona Kitange be Yampa, balijja." Era Ye . . . Omulabe wa Kristo, mu nnaku ez'oluvannyuma, alisobola . . Omwoyo ogwo ogw'omulabe wa Kristo gwe tuyigako, mu bibiina by'amadiini, era ne tukakasa nti omwoyo gw'ebibiina by'amadiini ye mulabe wa Kristo.

36 Kati, kisukka, ku muntu yenna amala gava wano n'agenda bw'atyo, oyo, abaako ekikyamu, bw'asigala ng'akyakkiriza nti enkola y'ebibiina by'amadiini si mulabe wa Kristo. Kubanga, kikakasibwa ddala, mu byafaayo, n'okuva mu bintu byonna ebiriwo, n'okuyitira ddala mu Bayibuli ya Katonda n'ebirala byonna, mulabe wa Kristo. Era Rooma gwe mutwe gwakyo. Kati amakanisa bawala be gamugobererera ddala bulembwe, era bombi ne basuulibwa mu ggeyeena. Ekyo bwe kiri.

Kale ekintu kino tukiraba, omulabe wa Kristo, omwoyo ogukirimu. Era ennaku ze tulimu, era, kubanga, zisaanye okuleeta "essanyu eritagambika era erijjudde ekitiibwa." Bambi omukazi oyo omukadde, ekintu ekyo olw'akakoonako, muganda wange, ensigo neetandika okumera!

37 Kati, jjukira, Bayibuli egamba, nti mu nnaku ez'oluvannyuma, omulabe wa Kristo ono "alirimba ensi yonna." Walibaawo batono nnyo, amannya gaabwe agaawandiikibwa mu Kitabo ky'Omwana gw'Endiga eky'Obulamu nga n'emisingi gy'ensi teginnabaawo. Era okukakasibwa okwo okutuufu okw'Amazima g'Ekigambo kya Katonda ekibikkuddwa bwe kukoma ku mutima, ajja kufuna mazzi, olwo ayingire eri mu Mwoyo Omutukuvu, n'amaanyi nga bw'asobola. Toyinza kumuziyiza kukikola, kubanga Obulamu obuggyga buzzé.

38 Nali njogerako n'omuntu omu, gye buvuddeko katono, yali agezaako okwogera nange, n'anngamba, "Tokwatibwa nsonyi okwogera nti 'Katonda Yatonda eggulu n'ensi mu nnaku ssatu . . . Oba mu nnaku mukaaga'?

Namuddamu nti, "Ekyo Bayibuli ky'egamba."

N'agamba, "Kale, tulina obukakafu era tuyinza okukiraga nti ensi ebaddewo myaka obukadde na bukadde."

Namuddamu, "Ekyo tekirina kye kikyusaako. Mu Olubereberye 1:1, Kigamba, 'Olubereberye Katonda Yatonda eggulu n'ensi.' Ekyo kiseera! Ky'ekyo, olaba. 'Kati ensi yali yeetabuddetabudde, nga njereere.'" Era nagamba, "Nzikiriza buli nsigo yali omwo mwennyini, okuva mu ebyo ebyaliwo oba ekintu ekirala. Amangu ddala ng'amazzi gakalidde, ekitangaala ne kigikomako, emit i n'ebintu byonna ne bivaayo."

Kye kimu ne ku bantu, ekyo kifaananyi bufaananyi. Olufu lwonna — nga — nga lugenze, Amazima ne gabikkuka eri ensigo entuufu eri omwo erimu akaweke, ekitangaala ky'Enjiri ne kigyakako n'obukakafu bw'Ekigambo, emeruka, erina Obulamu mu yo. Ejja kukkiriza. Ekitali ekyo, teyinza kuba nnamu, teba na Bulamu mu yo.

39 Amannya ago agaawandiikibwa mu Kitabo ky'Obulamu eky'Omwanan gw'Endiga nga n'ensi tennaabawo, bajja kuvaayo awatali kubuuusabuusa n'akamu. Yesu ky'Ava Atuula awo wennyini nga Alindirira mu mulimu Gwe ogw'okuwolereza okutuusa ensigo eyo esembayo. Era amanyidde ddala akaseera we kibeererawo.

Nga ddokita Lee Vayle . . . Ndowooza akyali mu lukungaana awantu; mmaze ennaku nga ssimulaba. Sikkiriza nti namulabye. [Ow'oluganda agamba, "Ali wano" — Omuk.] Kale, jjuuzi yampeereza akapapula kano akakwata ku Irenaeus kye yayogera. Kale, nalonda Irenaeus, kuva wala nnyo, okuba malayika w'omulembe ogwo. Naye yagamba nti, "Omuntu oyo asembayo ku kitundu ky'Omubiri bw'alijja," mu mulembe guno ogusembayo, "aliba . . . ekintu kiribikkulwa." Era ky'ekyo. Ddala mu butuufu bwakyo. Olaba? Tuli mu lunaku olwo.

40 Kale Olwo, essanyu lya Pentekoote lyayitirira. Ddala baakyamukira ddala, ndowooza, buli omu bwe limukola. Kale ka tumaleko wano akaseera, ka tulowooze ku Dawudi. Ye — naye, yenna yakyamuka. Yagamba, "Ekikompe kyange kiyiwa." Nzikiriza nga yalina e —ekiseera eky'ekitalo mu bulamu bwe. Kiki, kiki ekyamukozesa ekyo? Bwe yali ng'ali mu Mwoyo . . . Kubanga yali nnabbi. Tumanyi nti yali nnabbi. Bayibuli bw'etyo bw'egamba. Nnabbi Dawudi, kati, kubanga yali nnabbi, era nga yali mu mwoyo, era yali alabye okuzuukira. Oba oyagala okukisoma, kiri mu Zabbuli ey'e 16:8-11. Yagamba, "N'okuba omubiri gwange kye guvudde gusayuka. Abange! Nze—mpummulira mu ssuubi, kubanga Tolireka mmeeme yange magombe; era omantuukirivu wo talivunda."

Nkutegeeza, ekikompe kye kyatuuka n'okuyiika, kubanga yalaba nti si nsonga oba kyali ki; oh, yalaba okuzuukira era yali ddala . . . Era ekikompe kye kyayiika.

41 Ate era, Dawudi ekikompe kye kyayiika nate, mu II Samwiri, (mwe abalina ekkalaamu zammwe kale) II Samwiri 6:14. Waali wabaddewo akaseera ak'ekyeya Essanduuko baali bagitutte. Omulabe yajja n'atwala essanduuko ya Mukama, ne bagitwala ne bagitereesa mu maaso ga Dagoni, Dagoni n'agwa nga yeetuunise. Baagitwala mu kibuga ekirala, olwo kawumpuli n'ajja. Kyali . . . Abantu abo, kye kibabu ekyasingidde ddala kye baali bakutteko. Era tebasobola kugyeggyako, kubanga teyali mu kifo kyayo.

Kati, bwe baagiteeka ku kigaali ky'ente, ne bavuga okuddayo. Dawudi bwe yalaba nga essanduuko ejja, omanyi kye yakola? Ya — yajjula nnyo, n'ekikompe kye ne kitandika okuyiika; olw'okukyamuka! Bwe yalaba nga Ekigambo nate kibikkulwa eri Israeri, yazinira mu Mwoyo, nga yeetooloola, ne yeetooloola,

nga yeetooloola, ne yeetooloola, bwetooloozi bw'atyo. Kyekyo, ekikompe kye kyatandika okuyiika. Olaba. Lwaki? Yalaba Ekigambo nga kikomawo.

Ndowooza ekyo buli muntu kyandimubuguumirizzaamu akatono, oluvannyuma lw'emyaka gino gyonna; bwe balaba, Ekigambo ekituufu, olw'ekisuubizo nti, kiriba nga kivaayo ne kikakasibwa. Nga kiseera kya kitalo! Nga kiseera kya kitalo!

42 Kati ka tusome. Nze — njogedde nnyo, era kino sija kukituukako, mwenna nja kuba nammwe wano okutuusa essaawa 4:30. Jjo nnabata nga bukyali, kale leero nnina okubalwisa ebbanga ggwanvu. [Ekibiina, "Amiina." — Omuk.] Ddala. Ddala. Nedda, mbadde mbazannyisa buzannyisa. Olaba? Ndi . . . Kati twagala tukikole nga Mukama bw'Anaatulungamya.

Bwe yabembula akabonero akookuna, ne mpulira eddoboozi ly'ekiramu ekyokuna nga kyogera, . . . Jjangu.

43 Kati, "Omwana gw'Endiga bwe Yabembula Akabonero Akookuna." Leka tuyimirire awo kati. Akabonero Akookuna, kati, ani yakabembula? Omwana gw'Endiga. Waaliwo omulala yenna eyali asaanidde? Tewaali mulala yenna yali asobola kukikola. Nedda. Omwana gw'Endiga Yabembula Akabonero Akookuna. Era e — ekiramu ekyokuna, ekitonde ekyali kifaanana ng'empungu, ne kigamba Yokaana, "Jjangu olabe ekyama kyokuna eky'entegeka y'obununuzi ekibadde kikwekedwa mu Kitabo kino," kubanga Omwana gw'Endiga Yali Akibikkula. Amakulu nti, ky'ekyo kye yali agamba. "Kiikyo ekyama ekyokuna wano. Nkibalaze, mu kabonero. Kati, Yokaana, simanyi oba mukitegedde, oba nedda." Naye, yawandiika wansi kye yalaba, naye kyali kyama. Kale, yawandiika kye yalaba. Omwana gw'Endiga Yali Abembula Obubonero, era Katonda Yali Tagenda kukabikkula. Kaalekebwayo olw'ennaku ezesembayo. Olaba?

44 Kati, tubaddenga tubuwadaawadako, era emirundi egimu ne tukola bulungi nnyo, mulabeeyo. Naye tumanyi kyeyongeddeyo mu maaso. Naye kati, mu nnaku ezesembayo, tuyinza okutunula emabega ne tulaba wa gye kibadde. Ekyo kirina kukolebwa, awo, ku nkomerero ya mulembe gwa kkanisa, ng'Okukwakkulibwa kunaatera okubaawo.

Engeri omuntu gy'ayinza okulaba Ekkanisa ng'eyita mu kibonyoobonyo, simanyi. Kiki ekigiyisa mu kibonyoobonyo, ate nga terina — nga terina kibi? Ntegeeza . . . Sitegeeza kkanisa; ekkanisa ya kuyita mu kibonyoobonyo. Wabula njogera ku Mugole. Omugole, taliiko, kyonoono kyonna, n'akatono. Kisaanusiddwa ne kiggibawo, tewasigaddeewo wadde e — e . . . Tewaliwo wadde lusu lwakyo, tewali kisigaddewo. Batuukiridde, mu maaso ga Katonda. Kale olwo ekibonyoobonyo kyetaagisiza ki okubalongoosa? Wabula bo abalala bakyetaaga. Ekkanisa yo eyita mu kibonyoobonyo, naye si Omugole.

Kati, tukitwala butwazi mu bubonero obwa buli ngeri kati. Nga e — ng'ekkanisa. Nuuwa, ky'ekifaananyi ky'abo abatwalibwa, eyagendera mu kibi. Olaba, kati, baagenda. Naye, Enoka ye yasooka okugenda, oyo yali kifaananyi eky'abatukuvu abaali ab'okuyingira, ekiseera eky'ekibonyoobonyo nga tekinnaba.

45 Kati tulaba, nga Omwana gw'Endiga ono Yabembula Akabonero. Kati, ekiramu ekisooka kye tulaba, bw'oba weetegereza, ekiramu ekisooka kye tulaba, kyali e . . . Ekiramu ekisooka yali mpologoma, ekitonde ekiramu; ekisangibwa mu kitabo ky'obubo- . . . Eky'emirembe gy'ekkanisa. Era ekiramu ekyokubiri, nkakasa, gwali — bwali bwenyi bwa nte nnume, oba akayana. N'ekiramu ekyokusatu bwali bwenyi bwa muntu. Naye ekiramu ekyokuna bwali bwenyi bwa mpungu. Kati y'eyo yennyini engeri gye tubirina, nga byetooloolera ddala bwe bityo. Era bwe bityo ddala bwe biri wano mu Kitabo.

46 Era waaliwo lumu n'omuyigiriza ow'ekitalo, mu Florida, eyayigiriza ng'agamba — nti e . . . nti, "Ekitabo ky'Ebikolwa by'Abatume gwali — omulimu ogw'amadaala aga — olw'ekkanisa. Ekkanisa yatandikibwa mu Njiri ennya." Era waaliwo lumu n'omuyigiriza ow'ekitalo, mu Florida, eyayigiriza ng'agamba — nti e . . . nti, "Naye kye tulaba, kya kifuulannenge ku ekyo, nti Enjiri ennya ze zikuma Ekitabo ky'Ebikolwa. Ekitabo ky'Ebikolwa kiwandiikibwa nga kiggibwa mu Njiri zino ennya, ebikolwa by'Omwoyo Omutukuvu mu batume. Era tusanga, awo mu Kitabo, ng'abakuumi abo batudde awo; batunudde ebuvanjuba, ebukiika kkono, ebugwanjuba, n'ebukiika ddyo. Mujjukira nga bwe twakikuba wano, nga bwe kyali ekirungi, buli kintu kyonna nga kirungi nga kituukira ddala bulungi mu kifo kyakyo!

47 Kati njagala mwetegereze. Yagamba, "Jjangu olabe." Yokaana . . . Kati njagala mwetegereze era, nga kino tekinnaba. Kati, ono wano ye muvuzi w'embalaasi asembayo, okubikkula okukola kw'omulabe wa Kristo. Olunaku lw'enkyo, tujja tukwata ku myoyo egiri wansi w'ekyoto. Olunaku oluddako, okulamula. Olunaku oluddako, kwe kuvaawo, okwa — okw'enkomerero y'omulembe, ekiseera eky'enkomerero, ey'ebinto byonna, olaba, ng'asituliddwa.

N'olw'ekyo, mu Kabonero kennyni ako Akoomusanvu, ebibya bifukibwa, na buli kintu kyonna ekirala kifukibwa. Ekyo kye biri, sikimanyi.

48 Weetegereze. Naye kati, ku kino wano, tusanga nti sempala ono wano mpungu, omuntu ono a . . . ekiramu kino ekya . . . Kyafukibwa wano kati. Oba, mu ngeri endala, waliwo emirembe gyakyo

egy'enjawulo ena. Waaliwo omulembe ogw'empologoma. Era, tusanga, nti guno gwe omulembe ogwokuna. Era yagamba, "Jjangu olabe ekyama ekyokuna eky'Ekitabo ky'Obununu, ekibadde kikwekedwa mu Kitabo kino. Jjangu, olabe." Awo Yokaana n'agenda okulaba, n'alaba embalaasi eya kyenvu. Era, nate, ng'omuvuzi y'omu ku mbalaasi eno eya kyenvu. Kati yalina erinnya eriyitiba Kufa. Kati weetegereze. Tewali n'omu ku bavuzi bano balala, tewali n'emu ku mbalaasi zino endala, ova tewali mulundi omuvuzi ono we yavugira, we bataalina; omusajja oyo waatabeerera na linnya. Naye kati ayitiba Kufa. Tekyayogerwa. Olaba? Abikkuddwa kati. Nga ye kufa.

49 Kale, ekyo tujja kikitunuulira tukikolemu eky'okuyigako, tukyanjululize ddala! Naye ekintu kyonna ekiwakanya, ekkontana n'ekyannamaddala, kiteekwa kuba kufa. Kubanga, waliwo ebantu bibiri byokka, ng'ebyo bye, Obulamu n'okufa. Era ekyo kikakasa nti okubikkulirwa kw'Omwoyo Omutukuvu okwa kino, mu lunaku luno, ge Mazima ddala. Awakanya, ye kufa. Kubanga, Ekigambo, bwe Bulamu, nga bwe tunaalaba wano oluvannyumako. Olaba? Omusajja ono ayitiba Kufa.

50 Kati, tekyayogerwako ku mirundi emirala, ku muvuzi ono. Naye, mu byonna, kati kyogeddwa, nti ayitiba Kufa. Naye wansi w'okubikkulirwa kw'Empologoma . . . Kati mwekaanye. Kati kino njagala nkisomere ddala nnyo, bwe ntvo nkakase; nti kiwandiikkidwa, awantu, nga nnyimiridde wano.

Wansi, si wansi w'okubikkulirwa kw'omulembe gw'empologoma, ova omulembe ogusooka, omulembe ogwasooka, kino tekyabikkulwa. Omulembe ogwaddako gwali mulembe gwa nte nnume, nga gwe mulembe ogw'ekizikiza, omulembe ogw'omu makkati, tekyabikkulwa nga bwe kyali. Newankubadde mu kiramu ekyalina amagezi, ng'ag'omuntu, ekyali kikiikirira abaddaabuluzi, Luther ne Wesley n'abalala, tekyabikkulwa. Naye mu mulembe gw'empungu, omulembe ogusembayo, omulembe ogw'obunnabbi, awo okwogera obunnabbi mwe kusitukira, olaba, lubeerera abajirwa ebyama!

51 Kati awo we tu . . . Ekyo tugenda kukyetegerezaako, leero, musobole okutegeerera ddala. Kati, emirundi egisinga obungi, bino, mubiraba . . . Soogera eri kibiina kino wano kyokka. Entambi zino zibuna wonna. Mukiraba, era nteekwa okukitangaaza. Kubanga, omuntu ayinza okufuna olutambi lumu lwokka, era olwo, bwe batafuna ndala, olwo baba basigala mu bbanga, mulaba.

Kino Katonda Akisuubizza, olaba, olw'olunaku luno, olw'enkomerero, olukomekkereza n'ebantu bino byonna eby'enjawulo ebigena mu maaso era ebitabikiddwa. Tubadde n'ebiyambalo bya Eriya. Tubadde n'omunagiro gwa Eriya. Oh, wabaddewo abantu aba . . . John Alexander Dowie yaziikibwa eyo, ng'azingiddwa mu . . . mu munagiro. Yagamba nti yali Eriya. Era tubadde n'ebantu ebya buli kika bwe bityo. Mu buli ngeri, kye ki? Kiriwo kuggyawo bujja Mazima agaba gagenda okulabisibwa. Olaba?

52 Baalina bakristo ab'obulimba ng'ekiseera kya Yesu tekinnatuuka. Mulaba? Ekyo bulijjo bakikozenga. Oyo ye Setaani, ng'akozesa ekikwangala okutabula endowooza n'okukkiriza kw'abantu, ng'ekintu tekinnabeererawo ddala. Ky'ekyo.

Gamalyeri teyayogera ekintu kye kimu eri Abayudaaya ku olwo? Yagamba, "Tewaaayimukayo omusajja n'ayatula okuba Kino? Ne batwala bikumi bina mu ddungu. Baazikirira, n'ebiri bityo."

Yagamba, "Buli ttabi Kitange ow'omu Ggulu ly'Atasimba," Yesu bwe Yagamba nti, "lirikuulibwa."

Gamalyeri yagamba, "Mubaleke. Bwe banaaba, bwe kinaana nga si kya Katonda, tekiikome? Naye bwe kinaaba ekya Katonda, mujja kwesanga nga mulwanyisa Katonda." Omusajja yakozesa amagezi. Yali muyigiriza.

53 Kati weetegereze. Kaakati, okumaliriza ebyama bino byonna, Katonda Yasuubiza nti walibaawo Eriya owannamaddala aligolokoka, omuntu afukiddwako Omwoyo ogwo, era gulibikkulwa. Yakisuubiza mu Malaki 4.

Era nnina obuwandiike n'amabaluwa ebigamba nti ekyo si bwe kiri, naye nandyagadde okwogerako n'omuntu oyo. Olaba? Kale, tosobola kukigaana. Omusomi w'ebi'eddiini yenna omulungi ddala, ekyo akimanyi okuba nti ge Mazima, nti bakinoonya.

Naye kiri ddala mu ngeri y'emu nga bwe kyajja eri Yokaana, omutegesi w'okujja kwa Kristo okwasooka. Kale, tebaamutegeera, kubanga waaliwo ebantu ebikulu ennyo ebyamulagulwako. Bw'attyo, yalina, "okuleetera ebifo byonna ebya waggulu okubissa wansi, ebifo byonna ebya wansi okubiyimusa okubissa waggulu, n'ebifo byonna ebikyamu okubitereeza." Era, oh, ya . . . Bannabbi: Isaaya, emyaka lusanvu-mu-kkumi-n'ebiri nga tannazaalibwa; ne Malaki, emyaka bina nga tannalabisibwa; abo bona baamulagulako. Era baali basuubira ekkubo ly'Eggulu okussibwa, nnabbi ono afulume n'ebantu bye mu mukono gwe, okuva eri Katonda.

54 Era kiki ekyabeerawo? Omuntu gwe wa . . . eyali tayinza na kulaga kaada ya bwammembwa. Yali tayinza kulaga bimukwatako. yabeeranga mu ddungu; nga talina na buyigirize busookerwako. Bannabyafaayo, batugamba, nti yagenda mu ddungu nga wa myaka mwenda, oluvannyuma lw'okufa kwa kitaawe ne nnyina. Era n'akuzibwa . . . Omulimu gwe gwali mukulu nnyo, nga tegusobola kwonoonebwa

sseminaaliyo. Yalina — yalina okulangirira Masiya.

Katonda Yali Tayinza kukozesa muntu nga yenna ajjudde obuyigirize bw'ebi'eddiini. Tayinza kukikola, kubanga bulijjo ajjanga kuddayo emabega. Bw'atyo bwe yayigirizibwa. Addayo ku ekkyo. Kale, bw'agenda okubaako kyalaba, agezaako okuddayo ku ekkyo abasomesa kye baagamba. Ojja kuba mulungi singa oneewala ebintu ebyo, n'okkiriza Katonda.

Era tukiraba nti baamusubwa. N'abayigirizwa abaali awo, baamusubwa. Kubanga, baagamba, "Lwaki Ebyawandiikibwa bigamba, abawandiisi, bagamba nti Eriya . . ."

Yagamba, "Yajja dda, ne mutamumanya."

Era awo we ngeraageranyiza okuzuukira, manyanga Okukwakkulibwa. Kujja kubaawo, era bali . . . Mmanyi ekkyo kiwulikika ng'ekipy. Naye osanga muneeyongera okumanyaako oluvannyuma lw'olwaleero, Mukama bw'Anaaba Ayagadde, engeri gye kugenda okubaamu, olaba. Kugenda kuba kwa kyama nnyo, nga kizibu, omuntu yenna akukumanyaako. Ensi egenda kulowooza bulowooza, egende bugenzi mu maaso nga bulijjo, olaba. Era nga . . . Eyo y'engeri bulijjo gy'Akikolamu

55 Mumanyi, simanyi oba kimu — kimu . . . Nngamba, nti akatundu kamu ku butundu ekyenda ku buli kikumi obw'abantu abaali ku nsi, abaamanya Yesu Kristo nti Ali wano bwe Yali wano. Mumanyi, Eriya bwe yalagula, simanyi oba waaliwo abantu bangi abaamanya nti yali . . . Baamanya nti eyo waaliyo ekyeneena, namukadde omuzoole, naye baamukyawa. Mazima. Yali oyo gwe baayita ekyeneena.

Era nsuubira, buli Mukulisitaayo yenna eyazaalibwa omulundi ogwokubiri aba kyeneena, eri — eri ensi, kubanga okyusiddwa. Ova mu nsi ndala. Omwoyo gwo guva mitala wa lukonko. Ate kino wano ky'ekintu ekyonooneese ennyo. . . Olwo, toli — bw'oba toli mwawufu, wabaawo ekikyamu; ggwe, oba okyasibiddwa ensi. Olina kuba na ndowooza ya Ggulu. Era ggulu libeerawo na Kigambo.

56 Kati, tulaba nti ekintu kino — ekintu kino eky'ekitalo kyabaawo. Kati, tukkiriza nti wagenda kubaawo okujja kw'Omwoyo omutuufu ogwa Erisa. Kyalagulwa nti kiribaawo, olaba. Era tuteekwa okujjukira nti kijja kuba wano, mu ntuuko zaakyo mu kiseera ekituufu. Twandiba nga kati tukiteekerawo musingi. Era tekiriba kibiina kya ddiini.

Nze — ku ekkyo, sikkiriziganya na mukwano gwange omu omulungi. Agamba nti kijja kuba kibiina ky'abantu. Ekyo njagala okindage ng'okozesa Ebyawandiikibwa. Katonda, Katonda Oyo Atakyuka, Takyusa nteekateeka Ze. Bw'Akikola, olwo Tabeera Katonda; ky'ekkyo, kubanga awo aba aggwaawo, amanyi nga nze bwe mmanyi, era akola ensobi. Katonda Takyusanga nteekateeka Ze, okuvira ddala mu biseera by'omu lusuku Adeni. Yakola enteekateeka y'obununu; era ng'ogwo gwe gwali Omusaayi.

57 Tugezezzaako obuyigirize. Tugezezzaako obwannaakyemalira. Tugezezzaako eby'okusoma endowooza z'abantu. Tugezezzaako enkola y'ebibiina by'amadiini Tugezezzaako buli kintu, okukunngaanya abantu bona awamu, oba abantu bona tubagalire wamu, n'ebirala byonna. Tewaliwi kifo kirala kyonna aw'okusinziza okuggyako wansi wa Musaayi, ekifo kyokka, Katonda w'Asisinkanira omuntu.

Katonda olubeerera Akolagana na muntu ssekinnoomu. Abantu ababiri balina endowooza bbiri. Tewabangawo bannabbi abakulu babiri ku nsi, nga balanga mu kiseera kye kimu. Tunulako emabega olabe oba baali babaddewo. Nedda, ssebo. Guba muvuyo ogususse! Alina okufunayo omuntu omu eyeweredde dyo ddala, n'Akozese oyo. Anoonya omuntu. Naye lumu, wajja kubaawo omu, omuntu alimuwliriza, Kigambo ku Kigambo.

58 Sifaayo kiki omulala yenna ky'agamba, tebakivaako. Ekyo bwe kiri. Bajja kulindirira BW'ATYO BW'AYOGERA MUKAMA. Era, olwo, tebalikyuka okutuusa ng'ekkyo kimaze kubaawo. Agenda kukakasibwa ddala. Ojja . . . Kati, eyo mu nsi bagenda kukikyawa, naye Ensigo ennonde, Ensigo eyayawulwa, ng'eyo eyaliwo mu nnaku za Yesu, Omusana ogwo bwe gugimulisaako, Ensigo eyo egenda kujja eri Obulamu bw'etyo. [Ow'oluganda Branham akuba entoli omulundi gumu—Omuk.] Bagenda kukimanya. Bagenda kukitegeera. Tekiribeetaagisa kubaako kye bakyogerako.

Omukazi yagamba, "Ssebo, ntegedde ng'oli nnabbi. Mmanyi nti Masiya bw'Alijja, Ateekwa oku . . ."

N'Amuddamu, "Nze Nzuuyo."

Munnange, ekkyo, ekkyo kyali kimala. Tekyamwetaagisa kulindirira lunaku lulamba, era n'alindirira n'olwaddako. Yakifunirawo awo wennyini. Yali ku lugendo lwe. Yali akibabuulirako.

59 Kati mujjukire, kati, mu mulembe ogwasooka gwali mulembe gwa mpologoma. Eyo ye yali Empologoma y'omu kika kya Yuda, Kristo. Ettutumu ly'obulamu Bwe, lyatwala omulembe ogwo. Ekyo kye Ekiramku ekyasooka, ekitegeeza "Amaanyi," agaayanukula n'eddoboozi ly'omuntu.

Omulembe ogwaddako gwali mulembe gwa nte ennume, oba omulembe gw'omuvuzi w'embalaasi enzirugavu. Olaba? Kati, omulembe guno ogwasooka kye gwava gubeera omulembe omweru, lwa kuba nti

. . . Nga — nga bulijjo bwe mpuliddenga ng'abantu bagamba nti omuvuzi w'embalaasi eyasooka, enjeru, ge gaali amaanyi g'ekkanisa, agaavaayo okuwangula. Tukizuula nti yaweebwa engule, ekyo ekyali ekyo. Yali kkanisa. Yali kkanisa, naye yagenda wa? Yagenda Rooma. Eyo gye yalaga. Yafuna engule ye.

Kati, omulembe ogwokubiri yali e — yali omuvuzi w'embalaasi emmyufu, ng'ogwo gwali mulembe ogw'ekizikiza. Era kati — kati, o — omulembe ogwaddako gwali gwa — omuntu, ow'omulembe gw'omuvuzi w'embalaasi nzirugavu, era gwe gwali omulembe gw'abaddaabuluzi, olaba, e — Eddoboozi eryayogera.

Kati, omuvuzi w'embalaasi enzirugavu, oyo ye yali mulabe wa Kristo. Naye Oyo eyali ayogera mu mulembe ogwo yakiikirirwa muntu, era ago magezi, okutegeera, obulabufu. Olaba? Era ne batakitegeera, olaba. Tebaayita . . . Tebaamutuumma linnya. Olaba? Baagamba bugambi nti yafuluma.

60 Naye kati, omulembe gw'empungu bwe gwavaayo; ogwo ogwa . . . bulijjo Katonda bannabbi Be Abageraageranya ku mpungu. Yeeyita mpungu. Empungu etumbiira waggulu, ne watabaawo kintu kiyinza kugikwatako. Okubeera waggulu eyo si kye kyokka, wabula yatondebwa eyo. Bw'etuuka waggulu eyo, esobola okulaba wa weeri. Abantu abamu bwe balinnya waggulu eyo ne batasobola kulaba wa we bali, bwe kityo tekirina kye kibagasa kugendayo. Ggwe leka nnamungoona agezeeko abuukire wamu n'empungu oba kamunye, ekimu ku byo; kijja kugwa. Erina kusindikibwa okusobola okugenda eyo.

61 Obwo bwe buzibu obuliwo leero, abamu ku ffe tetufuna maanyi. Twabika mangu nnyo, bwe tuba tubuuka; olaba. Kati, naye, tulina okufuna amaanyi. Bw'otuuka waggulu eyo, n'obeera n'okulengera ewala okw'empungu, okulaba kiki ekijja, olwo omanya kiki eky'okukola. Kati, omulembe gw'empungu gwakibikkula. Kati tulaba nti, omulembe ogwo ogw'empungu gwasuubizibwa mu Okubikkulirwa 10:7 ne mu Malaki:1:4. Ekyo kiribaawo mu nnaku ezisembayo, olaba, ky'ekyo, nti ekyo kiribaawo wano. Kale. Weetegereze.

62 Kati, omusajja ono, tukiraba nti atudde ku mbalaasi ya kyenvu. Kyenvu! Oh , abange! Oluvannyuma, weetegereze oluvannyuma. "Obukadde nkaaga-mu-munaana obw'Abapulotesitante," nga bwe twakiggya — okukiggya mu kitabo Schmucker's Glorious Reform ekya — eky'okuttibwa kw'abajulizi aba Rooma, jjo. ekyo twakisanze, eyo mu 1500, nzikiriza bwe kyali, oba lukumi mu lunaana- . . . Kati sijjuukirira ddala bulungi. Naye bwali obukadde nkaaga-mu-munaana abattibwa, olw'okuwakanya Ekereziya Katolika eya Rooma eyasooka, Rooma.

Ky'ova olaba, nti yali asobola n'okwegeegeenya mu linnya lya . . . n'ayitibwa Kufa. Mazima ddala yali. Kati, Katonda Yekka y'Amayi bameka be yatta mu mwoyo, n'enjigiriza ye ey'ekigambo,- ekiwakanya Bayibuli! Eno gye yakozesa ku bukadde enkaaga-mu-omunaana, n'abatta, n'ekitala. Era osanga, baawerera ddala, obuwumbi obwattibwa mu mwoyo, olw'enjigiriza ze ez'obulimba. Ky'ava yeefunira erinnya Kufa.

63 Mulaba omuvuzi? Olwasooka, ng'omulabe wa Kristo, okusooka, yali kufa; naye olwo nga tannaba na mutawaana. Oluvannyuma n'afuna engule, ey'ensonda essatu; awo bwe yagifuna, olwo n'agatta, setaani n'agatta ekkanisa ye n'eggwanga, kubanga olwo byombi ye yali abifuga. Setaani ye yali omulabe wa Kristo, mu kifaananyi ky'omuntu.

Era, olwo, n'omutukuvu Matayo, nzikiriza ky'ekyo, essuula eyookuna, ekyo — ekyo akitugamba. Setaani yatwala Yesu, Mukama waffe, waggulu, n'amulaga obwakabaka bw'ensi, bwonna, mu kaseera buseera, n'ekitiibwa kyabwo, n'abumuwa. N'agamba . . . Ebyo, byali bibye.

Kale, olwo, olaba, bw'aba ng'asobola okugatta eggwanga lye n'ekkanisa ye awamu, olwo omuvuzi w'embalaasi emmyufu, asabolera ddala okuvuga. Mukiraba? Mazima ddala!

64 Kati, olwo, ekyama kye wano we tukirabira, mu kkanisa ye n'eggwanga. Ekitundu ekyokuna eky'obuweereza bwe, ayitibwa nsolo. Mu kisooka ayitibwa mulabe wa Kristo, olaba; ate olwo n'ayitibwa nnabbi ow'obulimba; era n'ayitibwa ensolo. Kati tumulaba wano ng'ayitibwa nsolo.

Kati, njagala mwetegereze, ekyo kibaawo luvannyuma lw'embalaasi eyookuna. Era mu mbalaasi eno eyookuna, bw'oneetegereza, zonna . . . Ewasooka yali njeru; ate eyaddako yali mmyufu; eyaddako yali nzirugavu; olwo n'eyookuna, zino zonna endala essatu zaalabikira mu yo; kubanga, kyenvu y'emmyufu ne — n'enjeru, bwe kityo, nga zitabikiddwa wamu. Mukiraba? Za . . . Zo — zonna zaatabikibwa mu mbalaasi eno emu. Mukiraba? Kati awo ne zifuuka nnya, manya, mazima, essatu mu emu. Era zonna zaatabikibwa mu kintu kimu ekyo.

65 Kati njagala muzeetegeere ennya ezo. Weetegereze omuwendo, ogw'enya, ogw'okubala okw'omu mwoyo. Katonda Ali mu ssatu. Zino ziri nnya. Wano, ali mu nnya. Okusooka, ng'omulabe wa Kristo, enjeru; owookubiri, nga nnabbi ow'obulimba, emmyuufu; owookusatu, musigire w'eggulu n'ensi ne — ne ppuligaatoli, enzirugavu; owookuna, ensolo, embalaasi eya kyenvu, Setaani ng'agobeddwa mu Ggulu. Ekyo mwagala okukisoma? Awo mu Okubikkulirwa 12:13, Setaani ng'agobeddwa mu Ggulu. Olwo mu Okubikkulirwa 13:1, 8, atudde mu muntu Ensolo. Okusooka mulabe wa Kristo, e — enjigiriza eyitibwa Nikolayiti; ava mu ekyo, n'afuuka nnabbi ow'obulimba.

Bw'aba omulabe wa Kristo, omulabe wa Kristo y'oyo alwanyisa. Ekintu kyonna ekirwanyisa Ekigambo kya Katonda kiba kirwanyisa Katonda, kubanga Ekigambo ye Katonda. "Ku lubereberye waaliwo Kigambo, Kigambo n'aba awali Katonda, Kigambo n'afuulibwa omubiri, Kristo, era Ali mu ffe." Era kati alwanyisa Ekigambo, kale alina kuba mulabe wa Kristo. Naye omwoyo teguyinza kutikkirwa; eyo y'ensonga Iwaki teyafuna ngule. Yalina mutego butego, omutaali busaale.

66 Era olwo bw'ajja, mu kiseera watikkirwa engule, olwo n'afuuka nnabbi ow'obulimba olw'enjigiriza ye ey'omulabe wa Kristo. Mukifuna? Olwo afuna ekitala, kubanga agatta wamu amaanyi ge, olwo aba talina kwebuuza ku muntu yenna. Ye mufuzi w'eggwanga; ye mufuzi w'eggulu. Afuna engule ey'ensonda essatu. N'agunjaawo endowooza eyitibwa "puligatooli." Ne kiba nti, singa — singa abamu ku bo abaafa, nga baalina ssente, nga baagala okusasula okubaggyayo, ng'asobola okubasabira ne bavaayo. Kubanga, alina obuyinza okukikola; Ye musigire. Ddala, ky'ekyo ky'ali. "Atwala ekifo kya Katonda, ku nsi." Ekyo si kya Iwatu nnyo!

Tukiraba, tukisangira ddala mu Bayibuli, ne tubala emiwendo gy'ennamba ze n'ebirala byonna. Wuuno wano a . . . ? . . . Azziddwayo ddala mu muwendo ogw'enna, si nnamba ssatu. Nnamba nnya, olaba.

67 Kati ka tubikkule, Okubikkulirwa 12. Ka tusomeko katono, kuba tu — tujja kuba n'ekiseera okukikola. Ka tusome Okubikkulirwa e — essuula 12 n'olunyiriri olw'e 13.

"Ne mu ssaawa eri ne wabaawo ekikankano ekinene..."

Nedda, mbikkudde e — mbikkudde wakyamu. olw'ekkumi n'essatu:

Ogusota bwe gwalaba nga gusuuliddwa ku nsi, ne guyigganya omukazi eyazaala omwana ow'obulenzi.

68 Kati, mulaba, yasuulibwa, ku nsi, era ayambala omubiri, ng'omwoyo omulabe wa Kristo mu muntu. Omuntu oyo afuuka okuva mu kintu ekimu n'afuuka ekirala, okuva mu mwovo omulabe wa Kristo n'afuuka nnabbi ow'obulimba, olwo ensolo n'emuyingiramu.

Okufaanania ddala ng'ekkanisa bw'ekula; ekkanisa ye yava mu — mu mulabe wa Kristo n'efuuka nnabbi ow'obulimba, era, mu mulembe omukulu oguja, ensolo egenda kusituka. Kale, n'ekkanisa ejja mu ngeri y'emu, okuyita mu kuggyibwako omusango, okutukuzibwa, n'Okubatizibwa kw'Omwoyo Omutukuvu, Kristo ng'Abeera mu bantu, kye kimu kyennyini. Era awo alinayo ekikontana n'ekyo, e . . . Olaba, manyanga, ekikifaananyi kyakyo. Wuuyo awo, mu ngeri y'emu ddala. Y'oyo. Yagobebwa mu Ggulu.

69 Kati tukizuula nti, mu Okubikkulirwa 13:1-8.

Ne guyimirira ku musenuy gw'ennyanja, ne ndaba ensolo ng'eva . . . Kati, ekkumi n'ebbirri waawano, we yagobebwa ebweru. Kati, mwekkaanye. . . . ndaba ensolo ng'eva mu nnyanja, erina amayembe kkumi n'emitwe musanvu, ne ku mayembe gaayo nga kuliko engule kkumi, ne ku mitwe gyayo amannya ag'obuvvoozi.

N'ensolo gye nnalaba yali efaanana ng'engo, n'ebigere byayo . . .

Oh, singa tubadde n'ekiseera kati, twandimaze olunaku Iwonna, butereevu ku bubonero obwo awo, ne tulaga, ne tukimutuusizaako ddala nate. Omuntu yenna, abasinga obungi ku mmwe ekkyo mukimanyi, okuva mu by'okuyigako ebirala

. . . . awo ebigere ng'ebi'eddubu, n'akamwa kaayo . . . ng'akamwa k'empologoma: n'ogusota gwe gwagiwa amaanyi gaayo, . . . entebe, ne . . . obuyinza obungi. Huh! Setaani ng'ayambadde omubiri! Olaba.

Ne ndaba omutwe gumu ku mitwe gyayo nga gu . . . nga gufumitiddwa okufa; . . .

70 Era bwe tweyongerayo, okukkirira, bwe muba mwagala, bwe munaafuna omukisa okusoma okweyongerayo wansi. Nedda, leka — leka tusomeyooke katono.

Ne ndaba omutwe gumu ku mitwe gyayo nga gufumitiddwa . . . kufa; n'ekiwundu kye eky'okufa ne kiwona: n'ensi zonna ne zigoberera ensolo eyo nga zeewuunya.

Ggwe wekkaanye! Toteekanga maaso go ku Nnaakalyako-ani. Si kantu wabula eky'okukoza, ekiri mu mukono gwa Katonda, lumu ekirikuyamba okufuna, "okuwoolera eggwanga," nga bwe tunaalaba olunaku Iw'enkyo. Olaba?

Ne basinza ogusota . . . Ani yali ogusota? Setaani. Ekyo bwe kiri? "Ogusota ogumyuufu." Kale. . . . kubanga gwawa ensolo obuyinza (awo wajja obuyinza bwe, olaba): ne basinza ensolo, nga boogera ti, Ani afaanana ng'ensolo? Era ani ayinza okulwana nayo?

N'eweewba akamwa akoogera ebikulu n'obuvvoozi; n'eweewba obuyinza okumala emyezi amakumi

ana mu ebiri.

N'eyasamya akamwa kaayo okuvvoola Katonda, (ky'ekyo, olaba. Kale.) . . . okuvvoola erinnya lye, (muwe erinnya) . . . eweema ye (ng'ekyo ky'ekifo Omwoyo Omutukuvu mw'Atuula), . . . Okukakasa nti kiri mu Rooma, ekibuga Vatican. Oyinza okweyerongerayo wansi: . . . abo abatuula mu ggulu. Yabavvoola, ng'agamba nti baali bawolereza.

71 N'eweewba okulwana n'abatukuvu, (era yakikola), n'okubawangula

(era yakikola): . . . Yabookanya ne basirikka! N'abasuulira empologoma ne zibalya! Era n'abatta mu buli ngeri yonna gye yali asobola!

. . . n'eweewba obuyinza ku buli kika n'abantu, . . . olulimi n'amawanga.

Tekyabeerako bwe kityo mu Rooma okutuusa Rooma enkafiiri bwe yafuulibwa Rooma ya Ppaapa, olwo amaanyi g'Obukatoliki ne gasaasaanira ensi yonna, n'efuuka Ekereziya Enkatolika ey'ensi yonna.

Era bona abatuula ku nsi baligisinza, buli atawandiikkidwa linnya lye mu kitabo . . . Mafuta Gange n'Omwenge tobikwatako!" Olaba? Era bona abatuula mu nsi baligisinza, buli atawandiikkidwa linnya lye mu kitabo, eky'Obulamu eky'Omwana gw'Endiga eyattibwa okuva ku kutondebwa kw'ensi.

Omuntu yenna bw'aba n'okutu, awulire.

Omuntu yenna bw'ayagala okunyaga, anyagibwa: omuntu yenna bw'atta n'ekitala, kimugwanira naye okuttibwa n'ekitala. Awo we wali okugumiikiriza ne . . . okukkiriza kw'abatukuvu.

72 Kati, jjo, twamulabye ng'ajja, n'ekitala kye eky'amaanyi, okutta. Tulaba nti naye, attibwa n'ekitala, ekitala eky'Ekgambo. Ekgambo kya Katonda, ekyogi, ekitala eky'obwogi obubiri, kimutta, okumuttrira ddala. Ggwe linda Ebibwatuka Omusanvu ebyo bwe birita amaloboozi gaabyo, eri ekibiina ekyo abasabolera ddala okukwata Ekgambo kya Katonda, ne bakiwaayo eyo, kijja kusalamu era kyawule. Basobola okuggala eggulu; basobola okuggala kino oba okukola kiri, kyonna kye baagala okukola. Ekitiibwa!

Alittibwa n'Ekgambo ekiva mu kamwa Ke, kyogi okusinga ekitala eky'obwogi obubiri. Bayinza okuyita obuzito bwa buwumbi obwa ttani z'ensowera singa baba baagala. Amiina. Kyonna kye bagamba, kigenda kubaawo, kubanga kye Kigambo kya Katonda ekiva mu kamwa ka Katonda. Mazima. Amiina.

Katonda, bulijo, Kigambo Kye, naye bulijo Akozesa muntu okukikola. Katonda Yali Asobola okuyita ensowera ezo, eyo e Misiri, naye Yagamba, "Musa, ogwo mulimu gwo. Nja kukubuulira bubuulizi eky'okukola, ggwe ogende okikole." Yakolera ddala ekyo. Olaba? Ya — Yandisobodde okulonda e — enjuba okuziyita, Yandikozesezza omwezi okuziyita, oba embuyaga okuziyita. Naye, Ye — Yagamba, "Musa." Ekyo, kye . . . Yalonda musajja We. Kale.

73 Kati tusanga wano, nti Setaani ono, ng'amaze okugobebwa mu Ggulu, ayambala omubiri n'aba ensolo. Era kati nsolo; mulabe wa Kristo, nnabbi wa bulimba, era kati nsolo. Era eweereddwa erinnya eyitibwa Kufa! Ggeyeena emugoberera! Setaani mu bujuvu, ku nnamulondo ye! Oh, abange! Ku nsi, y'aliwo, mu kifo kya Setaani, ku nsi, ne kiba nti, kati gwe mutwe gw'obwakabaka bw'ensi yonna, obwakabaka bwennyini bwe bumu bwe yawa Mukama Yesu mu Matayo 4. Setaani kati afuuka kabaka omujujuvu.

Kati, kino kibeerawo luvannyuma. Kati nnabbi wa bulimba. Alifuuka nsolo oluvannyumako ekiseera w'alimenyera endagaano ye n'Abayudaaya. Mumanyi engeri gye tu . . .? Kale,

74 Kati weetegereze, mu kiseera ekyo, aliweebwa omutima gw'ensolo, era Setaani alyambala omubiri. Kubanga, Ekkansa bw'erisitulibwa setaani alisuulibwa ebweru. Mukiraba? Mukiraba? Olwo, kiriba kiwedde, Okulyolyoma kwe kwonna kuliba kuwedde. Olaba?

Kati, kasita kiba . . . Laba, Omuwolereza kasita aba ng'Akyali ku Nnamulondo, Setaani ayinza okuyimirira awo n'awawaabira, kubanga ye muwlereza ku ludda luli. Y'awakanya Kristo. Era Kristo ye . . . Ayimiridde eyo, o — o— omulabe ayimiridde eyo agamba, "Naye, linda! Adamu yagwa! Adamu yakola kino! Nnamuwangula. Mukazi we nnamukkirizisa obulimba. Era Wagamba nti bulimusala omusango. Nnakiwulira!"

Naye Omatabaganya wuuno Ayimiridde awo, amiina, Omununuzi Ow'omu Lulyo, amiina, Ayimiridde awo n'Omusaayi ogusobola okuddira omutima gw'omwonoonyi asingayo ne gugukyusa. Omatabaganya Ali ku Nnamulondo. Yee, ssebo.

Setaani Yagamba, "Naye balina omusango!"

Yesu n'Agamba, "Tebagulina."

75 Eddagala eryo (Clorox) eryayiiyizibwa, oba ne likolebwa, okujja amabala mu ngoye, erisaanuusa langi ya bwino oba ebbala lyonna eddala. Balirina. Lijja kukikutulakutulamu obe nga tokyaddamu kukiraba nate. Kiddayo ne kifuukamu omukka, ne kituukira ddala mu kitangaala. Ne kiyita ne ku mpumbu n'ebirala byonna okutuusa Iwe kituukira ddala ku kyasooka omwo mwe kyava. Ekyo kitonde. Kyalina . . . Ekitonde kyalina kuva wa Mutonzi. Naye eddagala lyonna eryakolebwa ne liteekewa wamu, lyakutukakutuka, era ekyo kye kyalibaako, tewakyasigaddeo. N'amazzi — amazzi gennyini gakwatagana n'eddagala eryo (Clorox) nga eryo ly'evvu. Amiina! Ekitiibwa kibe eri Katonda! Kyonna kirongoofu.

Ekyo Omusaayi gwa Yesu Kristo kye gukola eri omwana omuntuufu owa Katonda, bw'ayatula ekibi ekyo n'ayimirira awo, ng'aggyiddwako musango mu . . . Okusaasira! Bannange! Era kikulu nnyo Katonda kye Yava Agamba, "Siyinza na kukijukira nate, era oyo mwana Wange ddala." "Ddala ddala, mbagamba nti, bw'ogamba olusozi luno nti 'vvaawo,' n'otabuusabuusa mu mutima gwo, naye n'okkiriza mu ekyo ky'ogambye, obeera . . . Kigenda kutuukirira. Oyinza okufuna ekyo ky'ogambye." Oli mwana mununule. Amiina! Mmanyi nti ekyo bwe kiri.

76 Ndabye obukerebwe nga bubeerawo eyo emitala emirundi mukaaga egy'enjawulo, gye mmanyi nga si kamu ke kaliwo. Era ng'Abwasobola, okutonda obukerebwe mu ngeri y'emu Asobola okutonda ensowera, oba ebikere oba ekintu ekirala kyonna. Ye, ye Katonda, Omuronzi. Ddala! Era bwe watabaawo mubiri gwa butonde . . . Naye ekibi ekyo eky'omubiri oguvunda bwe kyatulwa ne kisuulibwa mu ddagala eryo Clorox erya Yesu Kristo eriggyamu amabala, eryo lisaanuusa ne liggyawo ekibi kyonna. Si mutabulemu n'akatono, talina kibi, talina nsobi.

"Oyo eyazaalibwa Katonda tayonoona, kubanga tasobola kwonoona." Ekiggyawo amabala kiyimirira wakati we ne Katonda. Ekibi kyandituisseeyo kitya, eyo nga Ekiggyawo amabala kikikutulakutula ne kikiddizaayo ddala eri oyo eyakikyamy! Amiina! Whew! Munda yange mbuguumiridde. Mba — mbabuulire, muli nkyamuse nga kino kati bwe kitandika okubikkula.

77 Weetegereze, Setaani mu bujjuvu, ali ku nnamulondo ye. Yee, ssebo. Yagiwa Katonda, yagiwa Mukama waffe. Wano atudde n'omutima gwe ogw'ensolo munda ye. Kati, omuntu wuuno wano, ensolo, setaani ng'ayambadde omubiri. Wano mu nsi yeeraga nga yeefudde ekyo ky'atali. Oh, abange, kitalo! Nga yeekwese wansi w'Ekgambo eky'amazima, yeekwanya ku Kigambo.

Yakola ekintu kye kimu oyo — oyo amufaanana kye yakola, oyo yali Yuda, emyaka enkumi bbiri egiyise. Yakola ki? Yuda, yayingira ng'omukkiriza, ate nga yali setaani okuva ku lubereberye. "Yazaalibwa nga mwana wa kuzikirira." Tewali kye yakweka Yesu, kubanga Yesu Yamumanya okuviira ddala ku ntandikwa; amiina, kubanga Ye Yali Kigambo.

78 Kale. Kati, mujjukire, Yuda yatwala ekifo ng'omuwanika era n'agwa olw'essente. N'ekkanisa y'omu nnaku zino bw'etyo. Ekereziya katolika nga bwe twalabye, jjo, yabasasuzanga olwa zinnooveena, n'essaala baazisasuliranga na buli kintu kyonna. Kumpi kintu kye kimu ekikoleddwa bawala ba Ekereziya katolika. Abo be Bapulotesitante. Ekintu kyonna kizingiddwa mu ssente. Awo Yuda we yagwira, era we wano we yagirwa, era weewo Abapulotesitante we bagwira.

Mwekkaanye, avuga embalaasi eya kyenvu era nga bw'alabika ku mbalaasi eno eya kyenvu, guno gwe mulundi gwe ogusembayo okuvuga. Kati guno gwe mulundi gwe ogusembayo. Kati, kino tekiriwo mu nnaku zaffe. Ekyo kya kubaawo luvannyuma. Ke Kabonero mu bunnabbi. Kubanga, laba, Ekkanisa kino we kibeererawo eba emaze okusitulibwa.

79 Kristo bw'Alabika wano ku nsi, nga —nga — nga . . . Ng'omusajja ono bw'alabika, n'afuukira ddala, setaani yennyini; okuva ku mulabe wa Kristo, okukka wansi, okutuukira ddala ku nnabbi ow'obulimba, olwo ate n'afuuka ensolo, setaani yennyini. Ali ku mbalaasi eya kyenvu, yonna ejjude langi era ng'etabikiddwamu langi zonna okumufuula owa kyenvu era omussi.

Naye Mukama waffe bw'Alabika wano ku nsi, Aliba ku mbalaasi enjeru ng'omuzira, era Alibeera ddala, Yenna, Emmanweri, Ekgambo kya Katonda nga kijjudde mu muntu. Olaba? Awo bw'etyo enjawulo bwe yenkana. Bwe kityo bwe kyawukanako.

80 Weetegereze, omulabe wa Kristo ali ku mbalaasi ya kyenvu, langi entabike. Embalaasi nsolo ekifaananyi ekiraga amaanyi. Amaanyi ge gonna gatabikiddwa. Lwaki? Bya bufuzi; obwo — ago maanyi ga ggwanga; maanyi ga ddiini, maanyi ga mizimu; amaanyi aga buli kika gonna nga gali wamu, yali mbalaasi ntabike eya kyenvu. Alina amaanyi aga buli kika.

Naye Yesu bw'Alija, Aliba ku mbalaasi ya langi emu yokka. Ekgambo. Amiina! Eno etabula langi zaayo, emmyufu, enjeru, n'enzirugavu; langi ssatu mu emu, zonna zirabikira mu emu, era amaanyi ga mirundi esatu galabikira mu emu; mbalaasi njeru, mbalaasi nzirugavu, mbalaasi mmyufu.

Engule ssatu mu emu. Mukiraba? dala ddala.

81 Nze yo engule nnagiraba, nze kennyini; nnayimirira kumpi, oh, kumpi bwe nti ne ngitunuulira. Baali

tebayinza kunzikiriza kugituukako, olw'endabirwamu, kale yali awo, nga kuliko ekkufulu ennnene, ng'eri mu ssanduuko: ngule ya nsonda ssatu; n'olw'ekyo mmanyi nti ge mazima. Uh-huh. Kale yali awo, ngule ya nsonda ssatu. Musigire: ow'eggulu, ppuligaatoli, n'ensi. Amaanyi ga mirundi esatu nga gagattidwa wamu, laba, byonna bitabikiddwa mu langi, kyenvu. Okufa kwayogerera mu kintu kyonna; eby'obufuzi, ne — n'ebiyeddiini, ne — n'amaanyi g'emizimu byonna bitabikiddwa wamu. Mu by'obufuzi, ye kabaka w'ebi'obufuzi, ky'ekyo Setaani ky'ali. Mugezi! Whew! Ddala tosobola kumuwangula. Ddala — weesige Mukama. Ky'ekyo

Nga bwe nnamala edda, okukiyitamu, mu kusooka. Bagezi bonne, obuyigirize, n'ebintu ebifaanana bwe bityo, biva ku ludda lukyamu. Oyinza okukirondoola okuyita mu Byawandiikibwa, olabe oba ng'ekyo bwe kiri. Londoola abaana ba Kayini olabe kye baafuuka. Ate olondoole abaana ba Seezi, olabe kiki kye baali.

82 Tekiri nti mpagira butamanya, nedda n'akatono, nedda, ssebo. naye oggyamu batono nnyo mu Bayibuli, emirundi si mingi . . . Waliwo omu ayitibwa Pawulo eyali omusajja omugezi, yagamba nti yalina okwerabira ebintu byonna bye yali amanyi, okusobola okumanya Kristo. Yagamba, "Sajja gye muli na bigambo ebisendasenda eby'amagezi ag'abantu, wabula najja gye muli mu maanyi g'okuzuukira kwa Kristo." Ky'ekyo, Amaanyi ag'Omwoyo Omutukuvu! Tunuulira abalala. Abamu ku bo n'okwawula baali tebasobola kwawula mukono gwa ddyo ku gwa kkono. Era — era, oh,

Labira ddala okuyita mu biro bya bannabbi, ne gye baava, n'ebirala. Mukiraba kye ntegeesa? Olaba, gabaddenga magezi, buyivu, kutegeera. Era amagezi kye kintu kyennyini ekikuggya ku Katonda.

83 Yalina amaanyi ga mirundi esatu, oba embuga — embuga ssatu: ku nsi, eggulu ne ppuligaatoli. Ye yennyini, ku bubwe, ye tirinita. Ekyo ky'ali. Era avugira mu tirinita. Amaanyi ge gali mu tirinita. Engule ye eri mu tirinita. Embalaasi ye eri mu tirinita. Ekyo ky'ali, tirinita, amaanyi ga tirinita, engule ya tirinita, embalaasi (gy'avuga) ya tirinita; obwo bwe buweereza, obuna nate, laba, obuna nate.

Kale. Emitendera esatu eg'y'obuweereza bwe, gimufuula omuntu omu, Setaani ng'ayambadde omubiri. Emitendera esatu eg'y'obuweere- . . . omulabe wa Kristo, nnabbi ow'obulimba, era ensolo. Ebyo ebisatu, nga byoleka ekifaananyi, olaba. Kati waliwo ebika bisatu, kati, bye bimukola. Katonda, Katonda naye, Yeemanyisiza, mu mazzi, omusaayi, omwoyo; Afuula omukulisitaayo omwana wa Katonda na Kigambo kya Katonda, olaba? Era amaanyi gano ag'emirundi esatu oli gamufuula setaani. Olaba? Oh, wano, gano mazzi, musaayi, n'Omwoyo, nga wa Katonda. Era obwo bwe bufuzi, eddiini, amaanyi g'emizimu, nga bigattiddwa wamu, bimufuula setaani.

Okujja kwa Kristo okwasooka, kwali mu mubiri oguvunda. Ajja emirundi esatu, Kristo Ali mu bisatu. Olaba?

(Wekkaanye engeri setaani gy'ajjamu; ajjira mu nnya.)

84 Wekkaanye Kirsto. Okujja okwasooka, Yajja n'omubiri oguvunda, okuyiwa omusaayi n'okufa. Si bwe kiri? Okwo kwe kujja kwe okwasooka. Okujja okwokubiri kwe Okukwakkulibwa; tumusisinkana mu bire, omubiri ogutavunda. Okuja kwe okwokusatu, Ye Katonda ng'Ayambadde omubiri. Amiina! [Ow'oluganda Branham akuba mu ngalo omulundi gumu — Omuk.] Katonda, Emmanweri, okufuga ku nsi! Ekyo bwe kiri. Emirundi esatu gyokka.

Wekkaanye, omutendera ogwokuna ogw'atudde ku mbalaasi. Omutendera ogwokuna ogw'omuvizi ono guyitibwa Kufa. Okufa kitegeesa "okwawukana ku Katonda emirembe egitaggwaawo." Ekyo okufa kye kitegeesa, okwawukanira ddala ku Katonda emirembe egitakoma. Kati, omusajja ono bwe tumuteeka ebweru, ne tumuggyamu, oba tulaze nga tukozesa Bayibuli, omusajja oyo kyali; era tukutte ne ku busozi, ekifo na buli wantu wonna, mu bujuvu, okutuukira ddala wansi. Kati empungu emuyita, "Kufa." Ky'ekyo ky'emuyita.

85 Jjukira, wano, olaba, okufa kwe kwawukana okw'olubeerera. Jjukira, abatukuvu tebafa. Beebaka bwebasi, tebafa bufi. "Oyo awulira ebigambo byange n'akkiriza Oyo Eyantuma, alina obulamu obutaggwaawo." Ekyo bwe kiri. Talijja mu musango; avudde mu kufa azze eri Obulamu. Nze kuzuukira, n'obulamu," Yesu bw'Atyo bwe Yagamba. "Oyo akkiriza mu Nze, ne bw'alifa, aliba mulamu nate. Era na buli mulamu akkiriza Nze talifa." Lazaalo, afudde? "Yeebase." "Temutya, omuwala tafudde, yeebase bwebasi." Baamusekerera okukamala. Bwe kiri ekyo? Oh, abange! Mulabeeyo, abatukuvu tebafa.

Okwawukana ku Katonda kwe kufa, okufiira ddala obutaddayo nate kuba mulamu. Era ssempala ono ayitibwa "Kufa," n'olw'ekyo mumgewale.

86 Y'ani? Enkola entegeke, ey'ekibiina ky'eddiini; ekkanisa, embereberye, eyasooka, yakola ekibiina, bwe yatwala e — endowooza ya Constantine, mu Lukiko Iw'e Nikyeya. Jjuuzi, abakazi abo twabaleeta, ne tubalaga engeri Kaawa, omugole eyasooka, nga bba tannagenda gy'ali, yagwa, olw'obutakkiriza Kigambo kya Katonda mu Adeni. Omugole ow'omwoyo eyazaalibwa ku lunaku Iwa Pentekoote ya Kristo, Yali Tannaba kugenda gy'ali, kiki ekyabeerawo? Yagwa, e Rooma. Kiki? yasuula amaanyi ge ag'Ekgambo,

n'atwalamu ebikwate. Amiina.

Oh, abange! Nze — nze — mpulira nga kinkyamusa nate, yee, ssebo, okulowooza nti ekkyo kya . . . Sigenderera kweyisa nga mulalu. Ekkyo si kye nn genderera. Naye nja . . . mwe temumanyi kiki kye kindeetera. Mbadde ntudde mu kino kati okumala ennaku nnya. Nga . . . Era nnina okubaako kye njogera, nsobole okwewulira muli ng'omuntu nate. Mumanyi kye ntegeeza. Yee. Kale.

Okutandika bw'otyo okwogera ogenda okulaba ng'okwolesebwa kutandika okubeerawo awo. Ky'ekkyo. Laba, kye nva mbaako kye njogera okwekomyawo nate — okwenyeenya nkomewo nate, olaba?

87 Mwali munneetegerezza bwe mba mu lunyiriri olw'okwawula emyoyo? Nnyinza okwogera ekigambo, ne kisesa abantu; ate ne njogera ekintu, ne kikaabya abantu; ne njogera ekibasunguwaza. Bwe mbaako ne kye ndabье. Era mbaako kye njogera ne ndaba bwe kikola, olwo ne ndaba ekitangaala kya ngeri ki ekibaliko, na kiki ekiriwo. Mmanya wa we kiri, olwo ne mmanya oba kuyitibwa oba nedda. Bwe kitaba bwe kityo . . . Wuuyo, omukkiriza owannamaddala, kale. Olwo n'obayita, n'ogamba, "Ggwe, Gundi."

Era bwe weeyongerayo, Omwoyo Atandika okufuka amafuta, olwo otandika okulaba okumyansa okwo nga kukka wonna, olaba, bwe kutyo, kwetooloola, wonna mu kisenge. Kale, eyo y'ensonga Iwaki mbaako ne kye njogera, engeri y'okutandika obuto nate, okuddamu okutandika, olaba. Okuviiira ddala ku Sande eyayita, ntuula butuuzi mu kisenge, nga nsaba busabi, mu mafuta, ky'ekkyo kyokka. Era mmmanyi nti Kino bwe kiri. Mukkiriza Katonda. Mmanyi mumukkiriza. Mmwe mwekkaanye ku nkomerero ya wiiki.

88 Kati, okufa kitegeeza okwawukanira ddala ku Katonda. Era mujjukire, kati, abatukuvu tebafa. Mujjukire, nti omugole we yaweebwa embalaasi eya kyenvu . . . Manya, ntegeeza, omuvuzi ono yaweebwa embalaasi eya kyenvu, oku — okufuluma nayo. Yaweebwa e — embalaasi eno eya kyenvu, okufuluma nayo. Era yavuga embalaasi eno eya kyenvu, ey'okufa. Kati tumanyi ekkyo kye kyali. Tumanyi yali kkanisa ki eyo.

Jjukira, olunaku lwa jjo, teyali "mwenzi" kyokka, naye yali ne "nnyina w'abenzi." Era tukiraba nti, ekkyo ekyamfuula omwenzi, oyo yali mukazi oyo, omukazi ow'engeri eyo. Nko . . . Kigambo kizibu, okukyogerera mu kibiina ky'abantu ekitabuletabule. Naye ekkyo Bayibuli ky'egamba, olaba. Kale, olwo, tulaba nti oyo ye — oyo ye mukazi atakuumma birayiro bye eby'obufumbo. Era mulaba nti, alina okuba, bw'agamba, yeeyita, "Nnaabakyala w'Eggulu." (Oyo ye yandibadde Omugole wa Katonda. Katonda ye Kristo.) Era tulaba nti akola obukuba, era aleetera bakabaka b'ensi okukabawala, era n'abagagga bona, n'abantu ab'ekitalo. Ensi yonna yamugoberera. Mukiraba?

Era ne tulaba nti yazaala abaana ab'obuwala, era baali bamalaaya.

89 Malaaya si mulala wabula ye mwenzi, kintu kye kimu; akabawala, obukuba, obwonoonefu, obwenzi, nga bukolebwa. Kiki kye baakola? Beekolamu ekibiina, baafuna enkola, baayigiriza enkola ezaatondebwawo omuntu, Abapentekoote n'ekibiina kyonna mu bulamba!

Kati, temuganya — Abapentekoote, temwennyamira. Ka mbeeko kye mbabuulira. Ekintu ka tukitunuulirire ddala. Kati twalwawo dda okuyingirawo, okukwata ku nsong'a.

Mulabe wano. Tuli mu Mulembe gw'Ekkanisa ya Lawodikiya. Era ogwo gwe mulembe gw'ekkanisa ogwali gusingayo okwewuunyisa mu gyonna, ogw'ekibugumirize, era gwe gwokka Kristo mwe Yabeerera ebweru, ng'Agezaako okuyingira nate. Era obwo bwe bubaka bwa Pentekoote nga buvaayo, nga bagamba, "Ndi mugagga!" Mwattu, ekky'okusooka, oli mwavu. Kati ogaggawalidde ddala, olaba. "Siriiko kye nneetaaga!" Era — era, oh, kye wali!

Yagamba, "Oli bwereere, omunaku, omuzibe w'amaaso, omwavu, asaasirwa, naye nga n'okukimanya tokimanyi."

Kati, omuntu bw'aba obwereere, eyo ku luguudo, n'akimanya, kale, agezaako okweyambayamba. Naye bwa — bw'aba takimanyi, era nga tosobola kumwawulirawo, olwo aba mu mbeera mbi. Katonda Amusaasire. Ky'ekkyo.

90 Weetegereze, oh, abange! Kati, mujjukire, omulabe wa Kristo ono, yennyini, nga bw'ali omuntu; omugole we, nga y'ekkanisa ye, "yaweebwa ebbanga okwenenya, n'atakikola," mu mulembe gw'ekkanisa eyo, Suwatira. Ekkyo mukijjukira? Muyinza . . .

Kale, ka tuddeyooke katono. Tekija kutukola bubi bwe tuddayooke akatono. Leka tuddeyo, mu ssuula eyookubiri, katono. Tujja kugisoma, essuula eyookubiri eya . . . kati, Suwatira. Kati kino mukyekkaanye, mangu nnyo ddala kati. Abange, tusemberedde ekiseera ekisembayo, kyokka nga tetunnatandika.

91 Naye, mwetegereze, Suwatira. Kati, kitandikira ku lunyiriri olw'e olwa e — olw'essuula eyookubiri . . . eri malayika (oyo ye mubaka) ow'ekkanisa ey'omu Suwatira wandiika nti; Bw'ati bw'Ayogera

Omwana wa Katonda, Alina amaaso agalinga ennimi z'omuli . . . ebigere bye ebifaanana ng'ekikomo ekizigule;

Nti Mmanyi ebikolwa byo, n'okwagala kwo, n'okuweereza kwo, n'okukkiriza kwo, . . . okugumiikiriza kwo, n'ebikolwa; ebirabise okuba nga bisinga e . . . eby'oluvannyuma nga bingi okusinga eby'olubereberye.

Naye nnina ensonga ku ggwe, kubanga oleka omukazi oli Yezeberi, . . .

92 Ky'ekyo. Mumumanyi, mu Bayibuli. Yali mukazi wa Akabu. Era wano wuuno omukazi, ekkanisa, Yezeberi, mukazi wa nnabbi ow'obulimba, eyalina okuba nnabbi wa Katonda omutuufu, ppaapa;

Butereevu, nnabbi owannamaddala ne mukyala we, Yezeberi. Kati, Akabu yalina kuba Omuyudaaya owannamaddala, naye yali mukuusa, ekyo mukimayi, kubanga mukazi we, yamukozenza buli kye yayagalanga. Tukiraba nti, Yezeberi yakozesanga ssente ze ne bano nabo, n'abakulembera engeri gye baayagalangamu

. . . . eyeeyita nnabbi, (mukitegeera?), n'ayigiriza ne . . . okyamya abaddu bange (olaba, enjigiriza ya Yezeberi yabuna eggwanga lyonna.) okwendanga ne . . . okulyanga ebyaweebwa eri ebifaananyi. . . .

nna muwa ebbanga okwenenya (olaba?) obwenzi bwe; n'atayagala kwenenya. Wekkaanye olunyiriri luno oluddako

. . . . mmusuula ku kiriri (ago ge magombe), n'abo abenda naye mu kubonaabona okungi, . . . (Okwo kwe kugenda mu kibonyoobonyo ekinene. Si Ekkanisa, kati.) . . . bwe bateenenya mu bikolwa byabwe.

Kati, mwekkaanye wano. . . . n'abaana be ndibatta (bamalaaya be) n'olumbe

(okufa okw'omwoyo); . . . Mukikkiriza? [Ekibiina kiddamu, "Amiina."—Omuk.] Ekyo kye Kigambo. "Ndibatta n'olumbe." Era bwe bafa, baba mu kwawukana okw'olubeerera.

93 Ky'ekyo. Jjukira, yamuwa ebbanga okwenenya. Omulembe gwa Suwatira gwe gwali omulembe ogw'ekizikiza. Omuvuzi w'embalaasi enzirugavu ye yavuga mu kiseera ekyo, emmisza zonna na buli kintu we byalina okusasulirwa, essaala, ne — ne zinnooveena, n'ebirala. Kati laba embalaasi ye enzirugavu, olwo, bwe yagaana okwenenya mu Suwatira, (eki?) yakyusa okuva ku mbalaasi enzirugavu n'adda ku ya kyenvu, okufa, olw'obuweereza bwe obusembayo.

94 Kati, nnyinza okukangamuuko omuntu wano. Okugaana Katonda, okugaana okuyitibwa kwa Katonda, lumu ogenda kukikola omulundi ogusembyo. Era, okufaanana ng'ekkanisa eyo bwe yakola, nga kiwedde. Lubeerera, obugumiikiriza bwa Katonda, tebuuwakanenga na muntu. Olaba. Era bwe yakigaana, n'agaana okukikkiriza, olwo yakyusa n'agenda . . . Kati alina erinnya eriyitibwa "Okufa," okwawukana.

Katonda Yagamba, "N'abaana be ndibatwala, Abapulotesitante, na buli omu yenna ku bo ndibatta n'okwawukana okw'olubeerera." Ky'ekyo, omulembe gwa Suwatira, omulembe ogw'ekizikiza. Embalaasi enzirugavu kati efuuka okufa, olw'obuweereza bwe obusembayo.

Olaba engeri emirembe gy'ekkanisa nga bwe gyegatta mu Bubonero? Kituukiridde ddala. Era tumanyi nti kituu fu. Omwoyo Omutukuvu takola nsobi. Yatuwa okulabisibwa okw'ekitalo, omulundi ogwasembayo, bwe twamaliriza emirembe gy'ekkanisa egyo, nga bwe mumanyi.

Mulaba okugumiikiriza, kw'okwagala kwa Katonda! Nga Tannamusira musango, Yamuwa ebbanga okwenenya. Era kino nkyogera mu Linnya Iya Mukama: kintu kye kimu ky'Awadde ekkanisa y'Abapulotesitante, era tejja kukikola. Obubaka buno bunyeenyeezza buli wantu, naye tejja kukikola. Egenda kuba na bikwate byayo n'ebiyiiye, sifaayo okinnyonnyola okwenkana wa. . .

95 Nga bwe nnagamba eyo mu Chicago, olunaku Iwa luli, abaweereza abaaliyo baali bangi okusinga abantu abatudde wano! Era eyo gye bansoomooleza, ku njigiriza, ey'ezadde ly'omusota, n'ebino ebirala byonna. Ne nngamba, "Wabeeewo akwata Bayibuli ye ajje wano, olwo ompakanye." Ne watabaawo ayogera kintu kyonna.

Tommy Hicks yagamba, "Nze — siwulirangako ku kintu kifaanana bwe kityo, Ow'oluganda Branham. Ku ntambi ezo njagalako ebikumi bisatu. Nngenda kuziweereza eri abaweereze bange bona."

Baalinga ataano, oba nsanvu-mu-bataano, abaagamba, "Nngenda kujja eyo nziremu mbatizibwe." Bajja? Tewali n'omu ku bo. Lwaki? Yabawa ebbanga okwenenya! Ajja kutta abaana bo, okufa okw'omwoyo. Ekyo tujja kukikwatako olunaku Iw'enkyo, Mukama ng'Ayagadde, oba ku lunaku Lwomukaaga, ku Bibonyoobonyo ebyo ebiribeerawo. Mmwe mwekkaanye ekiribeerayo eyo.

96 Nga Iye Yawa Misiri, Yawa Misiri ebbanga okwenenya. Era Ekibonyoobonyo ekyo ekyasembayo kyali ki? Kwali kufa. Ekyo ky'ekibonyoobonyo ekisembayo ekigenda okukuba ekkanisa ya Pentekoote, okufa okw'omwoyo. Efudde. Ekyo kiri mu Linnya Iya Mukama. Nfu mu mwoyo. Yagiwa ebbanga okwenenya,

neekigaana. Kati nfu. Terigolokoka nate.

Era abantu abo eyo, baagezaako okuyingizaamu Abeepisikoopi ne bakabona, n'abalala, ne babayita "Kitaffe omutukuvu Gundu." Kale, babeera beeswaza bokka. Omuzibe w'amaaso asinga awo afaanana atya! Yesu si bwe Yagamba? Embeerera eyo eyeebase bwe yajja okugula Amafuta, teyagafuna!

97 Mwenna, muwlira abantu nga bagamba, "Nafuna Omwoyo Omutukuvu. Nayogera mu nnimi." Naye tebaagala kusemberera kkanisa ng'eno. "Oh, omanyi, sikkiriza nti njagala okugenda mu kifo ekifaanana bwe kityo." olwo n'ogamba nti olina Omwoyo Omutukuvu? Naye oyagala nkola zo ez'ebitiibwa. Oyagala osigale mu Babulooni ate nga bwe weeyagalira mu mukisa gw'Eggulu.

Olina okusalawo. Toyinza kusigala eyo mu nsi ate mu kiseera kye kimu n'oweereza Katonda. Yesu Yagamba nti tosobola kuweereza Katonda ne Mamona. N'olw'ekyo bw'oba tokkirize . . . Bw'olokokera ddala, ojja kunyumirwa enkunngaana Omwoyo Omutukuvu mwe Yeeyolekera yennyini ng'Alaga nti Ekigambo kya Katonda bwe kiri.

98 Omuntu omu yagamba, "Abantu baleekaana nnyo. Kintabulatabula." Olitabulwa bw'oligenda mu Ggulu. Era lowoozaamu, bona nga batuuseeyo, olwo kiriba kitya?

Oh, abange! Mukama ng'Ayagala tugende . . . Agumiikiriza, nga bwe Yali mu nnaku za Nuuwa. Yagezaako nnyo. Yagumiikiriza nnyo, okumala emyaka kikumi mu abiri, basobole okwenenya, naye tebaakikola.

Mu nnaku za Misiri, Yasindika ebibonyoobonyo n'ebirala byonna. Tebaakikola. Yatuma Yokaana. Tebaakyuka Yatuma Yesu, okufa, okulokola ekibiina kyonna abaliwulira Ekigambo.

99 Era kati, mu nnaku ezisembayo, Yasuubiza nate nti Alitura Obubaka okugiyitayo, okugiddizzaawo okukkiriza okwasooka, okuddayo eri Ekigambo. Era tebagenda kukisembeza. Banywevu nnyo mu bikwate, ebikwate n'ebiyiiye ne batuuka okuba nti tebakyagala. Oh, balowooza nti singa baba ne . . . Singa Malayika akka; wabula Katonda ekyo si ky'Akola. Addira ekintu ekitamanyi era ekisirusuru, era ekitamanyi na ABC ova — ova kyonna. Olwo n'Atwala omuntu afaanana bw'atyo, kubanga ayinza okuddira ekintu ekitaliimu n'Akikoleramu. Singa olowooza nti olina ky'oli, olwo ova tobasobola kubaako ky'okikozesa. Ekyo olubeerera kye Yakolanga. Otekwa okufuuka ekitaliimu, okusobola okubeera ky'oli mu Katonda.

100 Oh, abange!

Weetegereze, so nga, "Yamuwa ebbanga okwenenya, n'atakikola." Amuwadde nate, era tajja kukikola. Okugaana kwe, ne yeeyawula, kumufuula . . . Oba, okugaana kwe kukolera setaani ekkubo eryannamaddala okumuyingiramu n'amujjula. Bwe kiri. Amuyingiriramu ddala n'atuula omwo, kubanga yagaana Ekigambo. Era ekyo ky'ekintu kyennyini kye kimu ekifudde ekkiriza y'Abapulotestante, okuba malaaya, Iwa kuba egaana Amazima g'Ekigambo kya Katonda, agakakasiddwa, era ekyo kiwa setaani ebbanga okugiyiringiramu ddala n'atuula mu yo. ajja kukolera ensolo ekifaananyi mwe baneegattira awamu, eyo gye bali kati, bagendere ddala mu maaso nga bwe yagamba. Ekyo bwe kiri. Amiina!

Singa nnalina obuyigirize, nnandikiggyeeyo bulungi. Sirina buyigirize. Nsusbira busuubizi Omwoyo Omutukuvu okukbabikkulira. Era Ajja kukikola, eri abo aba . . . Ekyo bwe kiri. Ajja kukikola.

101 Yee. Gwe weetegereze. Labayo, ekyo kye yakola wano. Yagaana Obubaka bwa Katonda olw'okwenenya kwe. Yatandika, ng'omulabe wa Kristo, era ekyo kye yali. Yafuuka nnabbi ow'obulimba, setaani ng'ayambadde omubiri, era, bwe yakikola, n'enjigiriza ye ey'obulimba. Olwo, mu ebyo byonna, Katonda Yamuwa ebbanga okwenenya, ng'Agezaako okumufuna. Olaba obugumiikiriza? Okwagala okw'ekitalo ng'okwo! Tewali kwagala ng'okwo! Laba abo, abaamuwandira amalusu mu maaso Ge n'ebirala, Yabasonyiwa. Oyo ye Katonda, olaba. To . . . N'agaana Obubaka bwa Katonda!

Labayo, yagambibwa okwenenya, addeyo gye yagwira. Era yagwira wa? Ku Kigambo. Kale. Kaawa yagwira wa? [Ekibiina kiddamu, "ku Kigambo." — Omuk.] Ekigambo! Ebibiina by'amadiini byagwira wa? ["Mu Kigambo."] Ky'ekyo. Olaba? Tewali ngeri ndala yonna. Buli mulundi, kukomawo, ku Kigambo, kuddayo butereevu ku Kigambo. Olaba? Bayingira mu nkola okubaggira ddala ku Kigambo, ebaggya ku Kigambo mu kifo ky'okubazza eri Ekigambo.

Weetegereze. Laba, yaweebwa ebbanga okwenenya, okuddayo. Okwenenya kitegeezza "okuddayo, okukyuka, okudda emabega." okwenenye, "ddayo." Era yaweebwa ebbanga okuddayo we . . .

102 Kati mujukire, ye yali Ekkiriza ya Pentekoote eyasooka, eyafukibwako Omwoyo Omutukuvu, ku Lunaku Iwa Pentekoote. Ekyo bameka abasomi Bayibuli abakimanyi? Mazima, yali ye. Mulaba gye yava? Yagwa okuva mu Kigambo, n'akkiriza ebiyyiye. Yakkiriza . . . Mu kifo ky'Omwoyo Omutukuvu, yayagala mutu omutukuvu, "Dokita LL., Ph., Q.U." olwo n'amufuula ppaapa. Olaba? Ddala. Naye, ye, ekyo kye yayagala, omuntu okumusabira. Omuntu . . . Ng'amusasula busasuzi, era ekyo kyokka kye yalina okukola. Mukiraba?

Kati, ky'ekintu kye kimu ne leero. Kasita bafuna entebe ey'okutuulamu, bwe baba basolooza ne bawaayo nnyo, ng'ekyo kimala. Bammemba mu kkanisa eyo. Tobaako kirala ky'obabuulira ku kyo; tebaagala kumanya. Abo be bawala be.

Kati, yagwira wa? Okuva ku Kigambo ky'obutume nnakabala eky'Abatume ne bannabbi. Awo we yagwira. Awo Abapulotesitante we bagwira.

Mwenenye! Muddeeyo! Muddeeyo ng'ekiseera tekinnaba kuyita. Tekinnaba kuyita. Olumu ku nnaku zino Omwana gw'Endiga Oyo Ajja kuva mu kifo Kye, olwo byonna bijja kuba biwedde. Bwe kityo ne bawala be kye bagambibwa kati, "okuddayo," nga tebannasalirwa musango wamu naye.

103 Kat, Obubaka obwasembayo bwe baafuna, bwe bwaliwo ku nnabbi ono gwe mbaddenga njogerako kati. Bwe mbaddenga nsomako, mu bitabo ebingi. Era mmanyi nti ddala, omuntu owannamaddala, mulungi, mutegeevu, alowoleza mu mwoyo, amanyi nti ekkyo kijja. Ekyo bakimanyi. Bamanyi nti kijja, olaba. Ba . . . Naye obuzibu bwakyo, buli nti, buli kiseera bagamba, "Tukyetaaga. Kigenda kuba." Kyokka bwe kijja, olw'okubanga kinyoomebwa, bandikisubwa nga bwe baakola ku mulundi guli. Bwe kiri. Abantu bajja kukiwandiikako, na buli kimu, bagambe, "Oh, weewaawo, kyetaagisa okuba." Era olwo ka kibalagibwe, naye bagenda bugenzi mu maaso, olaba. Kale, lubeerera ekyo kye bakozenga.

104 Kat mwekkaanye. Ekipambo ekyasooka. Baaki- . . . ba . . . Yalina okwenenya, okuddayo, ate, ne bawala be kye bagambibwa. Okuwalirizibwa . . . Bagenda kusalirwa omusango, era basuulibwe ku kiriri kye kimu battibwe wamu naye. Bagambiddwa okuddayo ku Kigambo nnakabala, okuddayo ku njigiriza y'Abatume. Naye basibiddwa nnyo ebikwate n'ebirala, tebajja kukikola. Bakijerega bujerezi.

Olwo kiki kye bakola? Ku nkomerero baalabika mu kifaananyi ky'ensolo, obuyinza obulala; beetegereza, era ne bagolokokera ku Omugole w'Omwana gw'Endiga, nga bwe yakola mu Okubikkulirwa 13:14. Ekyo kye bakola, kuyigganya buyigganya, kintu kye kimu. Amakanisa gajerega bujerezi Omugole wa Kristo omutuufu, nga Rooma bulijjo bw'ekola. Kye kimu ddala. Yee, ssebo. Bagolokokera ku — ku Mugole w'Omwana gw'Endiga mu ngeri y'emu ddala nga bwe yakola mu Okubikkulirwa 13:14.

Kati mwetegereze. Tulaba, n'Ekipambo kya Katonda ekisuubize, Ali — Alitta abaana be, ebibiina by'amadiini, bawala be, n'okufa okw'omwoyo. (Kati, eyo Okubikkulirwa 2:22. Temukyerabira. Okutta, kwe kuggyawo obulamu, era okufa kwe "kwawukanira ddala okuva mu kubeerawo kwa Katonda." Mukiroozeeko ekyo, ab'emikwano. Ekyo mukiroozeeko mikwano. Ekyo mukiroozeeko. Temwesiga bikwate ebyakolebwa abantu. Ekintu kyonna ekikontana n'Ekipambo, mukywale.

105 Kat, mwekkaanye, wekkaanye wano mu Bayibuli. Kigamba nti erinnya lye yali magombe, era . . . kyentegeesa: . . . erinnya lye yali Kufa, era magombe n'amugoberera. Kat, bulijjo magombe y'agoberera kufa, mu mubiri. Omuntu ow'omubiri bw'afa, magombe amugoberera; eyo y'entaana, amagombe, olaba, ekyo bwe kiri mu mubiri. Naye mu mwoyo, nnyanja ya muliro, olaba. Kale, mu kwawukana okw'olubeerera, gye bookerwa. Era — era Malaki 4 yagamba, "Tobalekerawo kikolo newankubadde ettabi, oba ekintu ekirala kyonna." Y'engeri ensi gy'erina okwerongoosaamu nate, olw'obufuzi obw'Emyaka Olukumi, mukiraba?

106 Wali weetegerezza, nti omuvazi "musajja"? Era "omusajja" yalina mu mukono gwe; "musajja," nnabbi ow'obulimba. Naye omugole we ayitibwa kkanisa, "mukazi," Yezeberi. Akabu; Yezeberi. Kale, kituukiririra ddala ng'ekintu ekirala kyonna. Olaba? Olaba? Bawala be abo "bakazi," nabo, naye tebaafuna bukulembeze bwa muntu omu; Abapulotesitante, ekyo, bakikola, wabula era mu nkola y'enjigiriza yaabwe, bakyali malaaya, ddiini, nkola. Ky'ekyo . . . Kye kigamba.

107 Weetegereze. Kino kyonna kigenda kuvaamu ki? Kat, ndowooza, tulinayo eddakiika nga kkumi-nabbiri oba kkumi-na-nnya. Laba kino kyonna gye kiraga. Kiki? Kiddirayo ddala nga bwe kyali. Kyatandikira mu Ggulu; kijja mu lutalo olw'ebiseera ebisembayo. Mu Ggulu, ekintu ekyasooka, Iwali lutalo. Lusifa yasuulibwa ebweru, n'ajja ku nsi. Olwo n'ayonoona Adeni; okuva ku olwo abaddenga agyonoona.

Era kati, okuva ku lutalo mu Ggulu, lutalo ne lujja mu nsi; era Iwakuggweera, ku nsi mu biseera eby'enkomerero, mu lutalo oluyitibwa Kalumagedoni. Kat, ekyo buli muntu akimanyi. Olutalo Iwatandikira mu Ggulu, ettukuvu, ne bamugobayo. Mikayiri ne Bamalayika be baamuwangula, ne bamugoba. Era bwe baakikola, n'asuulibwa mu Adeni, n'atandika wano olutalo wansi wano. Ya . . .

108 Abaana ba Katonda bona beetooloozebwa ekigo eky'Ekipambo Kye. Kaawa yafuluma, n'agamba, "Nzikiriza, osanga oli mutuufu." Bwe kityo bwe kyatandika. Era okuva ku olwo, bwe kibaddenga. Olwo Katonda n'Akka, era kati Alina oku . . . Yakka Okununula abo abalija. Nga bwe nnagamba nti, Katonda Afaanana ng'omuzimbi omukulu. Ateeka ebintu byonna ebikozesebwa ku nsi, olwo n'Alyoka Azimba ekizimbe Kye.

Kati mujjukire, nga tewannabaawo mpeke ya — ya nsigo ku nsi, nga tewannabaawo njuba eyaka ku nsi, omubiri gwo gwali mu ttaka, kubanga oli nfuufu ya nsi. Olaba? Ky'oli. Katonda ye Muzimbi omukulu.

109 Kati, engeri gye Yali Agenda okukikola, kwe kukka wansi n'Afuna (nga bwe Yakola Adamu) olubatu lwa calcium, potash, n'omusana, era, "Whew!" n'Agamba, "Omwana wange omulala wuuyo." Mukiraba? Olwo Aleete abalala, era, "Whew!" "N'omulala wuuno."

Naye Kaawa yakola ki? Ekkubo eryo yalyonoona. N'akireeta okuyita mu kikolwa eky'okwegatta okw'omusajja n'omukazi, olwo okufa ne kiriyingiramu.

Kati Katonda Akola ki? Alina ensigo ezo nnyingi nnyo eyo yonna, ezaayawulibwa; nnyingi nnyo, ezaayawulibwa. Kati olwo, mu kiseera eky'enkomerero, Aleme okugamba nti, "Kaawa, jangu ozaale omwana omulala." Ajja ("Whew!") kuyita, nja kwanukula. Ky'ekyo. Eyo y'endowooza. Oyo asembayo bw'aliyingizibwa, nga kiwedde.

110 Kati, olutalo Iwatandikira mu Ggulu. Lugenda kuggweera ku nsi, mu ngeri ya Kalumagedoni. Kati ka twekkaanye era tukirabe nga kyeyanjuluza. Era oba oli awo tusobola okukyanjuluza. Mukama kaakano Atuyambe kino tukikole kati. Kyekkaanye nga kyanjuluzibwa.

Omuvuzi w'embalaasi ow'ekyama, wekkaanye ky'akola kati; "awakana," yagaana okwenenya n'okuddayo ku Kigambo nnakabala eky'Omusaayi. Ekigambo kyafuuka Omusaayi n'omubiri. Mukiraba? Yagaana okuddayo ku Kyo. Ye omulabe wa Kristo! Omugole omutuufu ow'Ekigambo, awaka- . . . Takkiriziganya na Mugole omutuufu ow'Ekigambo. Yeetwalira omugole owuwe! Naye, awakanya Omugole ono omutuufu. Ne yeetwalira omugole owuwe ku bubwe, n'amuleeta gy'ali, mu kikula eky'eddiini ekiyitibwa ebiyiye n'ebikwate. Olaba?

Era kati, bw'alaba Omugole omutukuvu, amulwanyisa, naye yeekolera omugole owuwe, ayitibwa omulabe wa Kristo, n'enjigiriza ewakanya Kristo, ekontana ne Kristo. Olaba bw'ali omukujukuju? Era kati, mu kifo ky'okuba n'okwegatta okw'okwagala, okukulemberwa okusinza, wansi w'Omusaayi, alina kibiina kya ddiini. Mu kifo ky'okuba n 'Ekigambo, yatwala biyiiye, ebikwate, n'ebiri bityo.

111 Okufaanana nga, era Abapulotestante abagamba, "Enzikiriza y'Abatume." Njagala ondageyo ekigambo kyayo mu Bayibuli. Abatume, mu Bayibuli temuli Nzirkiriza y'Abatume. Nga bwe nngambye wano, kati, gye buvuddeko katono, manya awantu, Oba Abatume baalina enzikiriza, ye Bikolwa by'Abatume 2:38. Y'eyo yokka gye mmanyi gye baalina. Ekyo kye baagambanga buli omu okukola. Bwe yasanganga omu ku bo eyefanaanyiriza bo Abakulisitaayo, yabuuzanga, "Mwaweebwa Omwoyo Omutukuvu bwe mwakkiriza?"

Ne Baddamu, "N'okuwlira tewuliranga nti waliyo . . ."

Ko ye, "Kale olwo mwabatizibwa mutya?"

Kati, okubatizibwa mu Linnya lya Yesu, manyanga, mu Linnya lya Mukama Yesu Kristo, ekyo, ekyo kirungi, naye tekikoma awo. Nedda, ssebo! Oyinza okubatizibwa bw'otyo emirundi ataano, bw'otyo, ne kitabaako kalungi n'akamu ke kikola okutuusa ng'omutima gwo Omwoyo Omutukuvu Agukyusizza. Byonna birina kugendera wamu.

112 Weetegereze, ye — ye Kristo. Omulabe wa Kristo agaana enjigiriza y'Omugole omutuufu, era n'olw'ekyo yeetwalira omugole owuwe kati n'amuzimbira, wansi w'enzirkiriza eyiye ku bubwe. Yeetwalira omugole owuwe n'amufuula ekibiina ky'eddiini! Azaala ebibiina by'amadiini ebirala, nga bwe kinokoleddwa mu Byawandiikibwa bino ebitukuvu; azaala abaana ab'obuwala. Era ta . . . N'afuukira ddala nga nnyina, wa mubiri, wa nsi, wa bibiina by'amadiini; ng'awakanya Omugole ow'omwoyo, Ekigambo.

Tebagamba nti tetuli ba kkanisa. Ggwe yogerako n'omunaddiini, "Ddala, ndi wa kkanisa."

Oli Mukulisitaayo?

"Ndi wa kkanisa!"

113 Ekyo tekirina wadde n'ekimu kye kikikolako! Bagamba . . . Toli wa kkani- . . . Ggwe, oyinza okuba ow'ekyo ekiyitibwa ekkanisa, olaba, oli wa kkanisa. Eyo si Kkanisa. Ago si Makanisa. Ebyo binyumu abantu mwe bakunngaanira, era abantu abalinga, "ebinyonyi ebifaananya ebyoya." Naye muli Kkanisa emu yokka, era eyo gwe Mubiri gwa Kristo ogw'ekyama. Era eyo togyegattako. Ogizaalibwamu. Nga bwe nngambyenga bulijjo, "Mbadde mu nnyumba ya Branham okumala emyaka ataano-mu-esatu, era ssaagyegattako bwiegassi. Nnagizaalibwamu. Okiraba?

114 Kati weetegereze. Kifaananira ddala bulungi. Nze — nnina e . . . Ekyawandiikibwa kye nnawandiise wano, wabula nja . . . tetujja kufuna budde okukikwatako; nga Esawo ne Yakobo. Kati, Esawo yali musajja munnaddiini. Teyagambako nti teyali mukkiriza. Yakkiririza mu Katonda y'Omum nga ne Yakobo bwe yakolanga, Katonda y'Omum kitaawe gwe yakkiririzaamu, naye yali mukumpanya, oba munansonyiwa okweyambisa ekigambo ekyo, nga . . . Teyali mulungi n'akatono. Ya —

kati, yali wa mpisa buyisa, era ddala yali — omusajja ow'empisa ennungi okusinga Yakobo. Naye, mulaba, teyalowooza . . . "Oh, obwo obusika bukikwatako butya?" N'atunda obusika bwe eri Yakobo.

Okiraba?

Naye, Yakobo, teyalina bintu binene, nga Esawo bye yalina. Teyalina busika oli bwe yalina. Naye waaliwo ekintu kimu Yakobo kye yayagala, nga bwe busika obwo. Teyafaayo ku ngeri ki gy'abufunamu; yali agenda kubufuna; era Katonda n'Amussaamu ekitiibwa.

Era, olwo, ekyo kye kintu kye kimu ne leero, ku mutnu ow'omubiri, endowooza ey'omubiri, okulowooza eby'ensi. "Kale, nze ndi mu kkanisa ya ggwanga. Ndi wa kkanisa eno. Ndi w'eri." Ekyo tekirina kye kikikolako, n'akatono.

115 Wekkaanye.

Kati abakunngaanya ku mbalaasi eno eya langi ezitabuddwatabuddwa. Abakunngaanya wamu, ku mbalaasi eno eya langi ezitabuddwatabuddwa, kubanga alina obuyinza obw'ebyobufuzi. Mmwe temukkiriza nti abulina? Pulezidenti ono ayingidde atya kati? Ekyo kigwamu kitya? Uh-huh! Bajja wano nga banooonya ddembe lya ddiini; era mmwe ekibiina kya Democrats ne mutunda obusika bwammwe eri eby'obufuzi! Sirina . . . Ekibiina kya Democrats kirungi; naye byombi bivunze. Njogera ku Bukulisitaayo. Naye mutunda obusika bwammwe, ku katikiti ka Democrats, okuyingizaawo ekintu ekifaanana bwe kityo. Muswadde!

116 Temukiraba nti eggwanga lino, mazima, liri mu kifaananyi kyennyini ekya Isiraeri? Isiraeri yakola ki? Yajja mu nsi empya n'efulumya abaalimu n'ebatta yo n'eyingira ne yeddiza ensi. Ekyo kye twakola; Abayindi. Abo bokka be Bamerika abatuufu abaliwo, gye mikwano gyaffe Abayindi. Kati olwo kiki kye baakola? Isiraeri yalina abasajja batono ab'ekitalo. Ky'olina okusooka okumanya . . . Baalina Dawudi, baalina Sulemaani. Baalina abasajja ab'ekitalo. Era ku nkomerero ne bafuna kyewaggula engulu eyo, Akabu, eyawasa Yezeberi, ataali mukkiriza.

Kale, kintu kye kimu ekyo kye twakola. Twalina Washington ne Lincoln, naye laba kati bye tulina. Era ekintu kyakyo kyennyini, kiri nti, afumbiddwa, annyikidde era yenna aggweeredde mu Yezeberi. Ayinza okuba omusajja omulungi, wabula omukazi y'agenda okuddukanya omulimu. Mukirabira ddala kati, ennyumba yonna eyingiram.

117 Kiki Omwoyo Omutukuvu kye Yanngamba, emyaka ng'asatu-mu- etaano egiyise? era mmwe mwenna abakadde mukimanyi, ku bintu omusanvu eby'okubeerawo ng'enkomerero tennabaawo. Kino ky'ekiddirira, ekiddirira ekisembayo, ekijja. Ebirala byonna byatuukiririra ddala, entalo na buli kintu kyonna. Olaba? Kati, ali ddala, mu mikono gya mukazi, okufuga eggwanga. Yezeberi! Olaba? Naye, mujukire, mu nnaku za Yezeberi, omuntu omu yabalagira ddala langi zaabwe. Okiraba?

118 Okukunngaanya, okwa langi entabuletabule ez'embalaasi. Era, laba, ekintu kino akikunngaanya wamu, nga kitabikiddwamu ebiyyiye, ebibiina by'amadiini, n'enjigiriza ezaakolebwa abantu. Si bwe kiri? [Ekibiina, "Amiina." — Omuk.] Ddala, langi entabuletabule, langi entabule ey'abafu, embalaasi ya kyenvu ey'ensi! Kati, ekyo bwe kiri. Langi z'abafu entabule, ekifaananyi eky'ensi eky'embalaasi eya kyenvu, oh, abange, Omusaayi omutukuvu ogw'Ekigambo teguliwo, n'akatono!

Kati mwekkaanye. Okuva mu nsonda . . . "Babakunngaanya, okuva ku nsonda ennya ez'ensi; nga babakunngaanya eri Kalumagedoni," Bayibuli bw'etyo bw'egamba. Ngezaako okulowooza ku Byawandiikibwa, mbirina wano mu buwandiike. Sibiggyeeyo; naye nga weebiri biwandiike, laba nga bwe biri. "Abakunngaanyiza eri olunaku olukulu olw'olatalo lwa Mukama Katonda."

119 Wekkaanye. Kati, ku mbalaasi eno ey'ensi, eya langi entabuletabule, eya kyenvu, embalaasi endwadde, omanyi, ggwe girowoozeeko, ekyo kintu kibi. Kati wekkaanye eyo gy'abakunngaanyiza, "Okuva mu nsonda ennya ez'ensi." Kati bakunngaana balyoke bagende mu nsiike. Okuba mu nsiike kuliba "Kalumagedoni," okusinziira ku Kigambo. Olaba? Ali ku mbalaasi eya kyenvu, ng'agivuga, atimbiddwako "Kufa" . . . Ng'atimbiddwako n'erinnya, "Kufa," omulabe wa Kristo! Wuliriza. Mulabe wa Kristo, ekibiina ky'eddiini okyasooka. (Ekyo ekitasobola kulwanyisibwa); ne Yezeberi we, malaaya eri Ekigambo; ne bawala be, nga bali naye, Abapulotesitante; nga beekungaanyiza wamu kati mu kwegatta!

Mwawulira aba Baptist jjuuzi nga boogera wano, mumanyi? Huh? "Oh, tetujja kubeegattako, naye tujja — tujja kuba ba mukwano kwe kugamba tubeeyabize. Tekija kutwetaagisa kwegatta ku kkanisa, wabula . . ." Ky'ekyo. Ky'ekyo, ddala ng'Ekigambo bwe kyagamba. Olaba? Olaba? Okusooka, malaaya ow'edda, olaba.

120 Kati baabano, beegatta, bajja babe mu nsiike, e Kalumagedoni, nga bali ku mbalaasi eya langi entabike; ng'embalaasi emu njeru, embalaasi emmyufu, n'embalaasi enzirugavu. Ebisatu, eby'enjawulo: eby'obufuzi — amaanyi ag'ebypufuzi, amaanyi ag'omwoyo, nga bufugibwa amaanyi ag'emizimu, nga ye mulabe wa Kristo. Ebyo byonna nga bitabuddwa wamu, ofuna kyenvu, ekintu ekitunula ng'ekirwadde ky'atuddeko. Ky'ekyo. Kati mwetegereze. Laba ky'avuga. Embalaasi eno eya kyenvu, embalaasi eya kikuusikuusi, etabuddwamu enzirugavu, emmyufu, n'enjeru; ng'ejja mu lutalo, ng'ekunngaanya abantu baayo okuva mu buli ggwanga wansi w'Eggulu!

Danyeri teyavvuunula ekirooto, n'alaba ng'ekyuma ekyo nga kigenda mu buli bwakabaka, obw'e Rooma? Baabano bazze, bakunngaanye. Kati, mukkaalire tumalirize, katono, era wuliriza nnyo. Bakunngaana kati okukikola, aleeta abantu be okuva mu nsonda ennya ez'ensi; ng'avuga embalaasi eya kyenvu, endwadde, eya langi, ezitabuddwa awamu. Muntu y'omu!

121 Kati, mu Okubikkulirwa 19, teyeetegeka bwetegesi kyokka, naye ne Kristo Yeetegeka okumwannganga. Olutalo lugenda kuba luzito era nga Iwakazigizigi. Kristo, mu Okubikkulirwa 19, Kristo Akunngaanya ababe, si okuva mu nsonda nnya ez'ensi, kubanga wagenda kubaawo batono nnyo abasigalayo. Akola ki? Abakunngaanya okuva mu nsonda nnya ez'Eggulu, Tujja kugikwatako, "emyoyo eggo egiri wansi w'ekyoto," olunaku Iw'enkyo, era mujja kulaba oba kituufu oba nedda. Ensonda ennya ez'Eggulu; ku mbalaasi enjeru ttuku! Era naye Alina Erinnya, si Kufa, naye "Kigambo kya Katonda." Obulamu. Amiina. Liwandiikiddwa buteerevu wano ku kisambi Kye, "Kigambo kya Katonda." Obwo bwe Bulamu bwokka, kubanga Katonda Y'ensibuko yokka ey'Obulamu Obutaggwaawo eriwo. Zoe! Si bwe kiri? [Ekibiina, "Amiina." —Omuk.]

122 Era Awandiikiddwako, "Obulamu," ng'Atudde ku mbalaasi enjeru, era omuntu wuuno wano alina amaanyi amatabuletabule ga mirundi esatu, ayitibwa "Kufa." Ng'akunngaanya abakiise be abasibiddwa ensi; ne Kristo Akunngaanya abantu Be abaazaalibwa Eggulu, abatukuvu.

Awandiikiddwako "Kufa;" Kristo Awandiikiddwako "Bulamu." Abo abali naye, nabo bali ku mbalaasi njeru, era bayitibwa, "abaalondebwa ng'emisingi gy'ensi teginnabaawo." Amiina! Era beesigwa eri Ekigambo. Amiina! Whew! Ekyo nkyagala. "Baayitibwa, ne balondebwa ng'emisingi gy'ensi teginnabaawo." Kati olwo, ne baba beesigwa eri Ekigambo, olw'okulondebwa kwabwe, bona nga bakyamusiddwa olw'omwenge omupya n'amafuta, nga bagenda bugenzi mu maaso, bakka wansi okumusisinkana. Bamanyi nti ebibwatuka, binaatera okutufulumiza ekintu mangu ddala.

123 Olaba? Wekkaanye. Akola Atya? Kale, bw'Aba nga y'Ekigambo, n'Erinnya Lye nga ye Kigambo, olwo Kigambo bwe Bulamu. Omulabe wa Kristo; ekintu kyonna ekiba omulabe kiba "kuwakanya," n'olw'ekyo omulabe ali mu "kuwakanya" Kristo, Ekigambo. N'olw'ekyo kirina kuba kiyiiye, ova kibiina ky'addiini, ekintu ekiwakanya Ekigambo.

Kubanga, siraba ngeri gye mugenda kukisubwa. Singa — mmwe mukitegeera, Muyinza mutya okukisubwa? Simanyi bwe munaakisubwa. Era ekyo bwe kiri. Obulabe kwe "kuwakanya." Ekyo si bwe kiri? "Okutoolako." Ky'ekyo kye yali. Yali avugira ku mbalaasi entabuletabule. Tukiraba wano wennyini mu Kigambo kya Katonda. Twakiraba awo wennyini mu mirembe omusanvu eg'yekkanisa. Wano Akikomezzaawo nate mu Bubonero, ng'Abikkula n'Okulaga ebintu ebyo ebyabaawo, mu mirembe gy'ekkanisa. Obulabe kwe "kuwakanya" Ekigambo. Mulaba Iwaki, ebikwate, Iwaki tuwakanya nnyo ebikwate n'ebibiina by'amadiini? Kubanga bikontana n'Ekigambo. Mukiraba?

124 Wano tulaba Obulamu n'Okufa nga bijja ku kulwanagana okusembayo. Embalaasi enjeru, ey'Obulamu obw'amazima; embalaasi eya kyenvu, ey'ebikwate ebitabuletabule. Balaba ebintu nga bijja ku — ku kusalawo eggoye kwennyini.

Kati waliwo kye njagala okwogerako wano. Kino muyinza obutakikkiriza. Naye nakirabye, okuba nti mazima. Waliwo langi nnakabala emu yokka, era eyo nga y'enjeru Ekyo bameka abakimanyi? Waliwo langi nnakabala emu yokka. Endala zonna, ntabuletabule. Okuva ku luberebreyre, Kristo Ali ku Kigambo, ekyeru ekigumu, ekitayonooneddwa. Amiina! Amiina! Buli langi yandibadde njeru singa ssaayansi teyagiyingiramu. Amiina! Ekitiibwa kibe gy'Ali! Buli kkanisa yandibadde eyimiridde ku njigiriza y'Abatume ey'Ekigambo kya Katonda, era Katonda ng'Aginyweza, bw'etabaamu bikwate ova ebibiina by'amadiini nga digitabikiddwamu. Ky'ekyo. Oh, ow'oluganda Evans, mpulira bulungi katikati! Yee, ssebo. Yee, ssebo. Langi emu yokka nnakabala, ng'eyo y'enjeru. Teri — Teritabulwamu bibiina by'amadiini ova ebikwate. Nedda, ssebo.

125 Era, jjukira, Abatukuvu Be bambadde ebyambalo ebyeru, tebitabikiddwamu bibiina by'amadiini na bikwate. Kati tulaba nti, mu bikwate by'ebibiina by'amadiini, wano w'ofunira langi zo entabuletabule. Naye eno ye langi nnakabala gy'Atambulirako. Langi eno nnakabala eri ku bantu Be. Era bannyikiddwa mu Musaayi, ogutukuza ekyambalo, ne gukiddizaayo ddala. Olaba? Ky'ekyo.

126 Abo abatabuletabule, bafuuka kyenvu era ne bagenda mu kufa. Kukyusa, kuwaanyisa, okutabula langi endala mu njeru; okyusa langi nnakabala. Si bwe kiri? Langi nnakabala, langi emu yokka, nga y'enjeru, bw'ogitabulamu n'ekintu ekirala, okyusa ekigendererwa kyayo ekyannamaddala. Amiina. Ekyo si bwe kiri? Era, bw'Aba nga, y'embalaasi enjeru, era nga ye Kigambo; olwo, okutabula ekintu kyonna n'Ekyo, engeri y'ekikwate kyonna, okukyongerako ekigambo kimu, okukiggyako ekigambo kimu, kuba kukyusa ekintu kyonna. Oh, abange! Mukama, nkuma n'Ekigambo!

Gaba Mazima n'ensobi! Oh, abange! Si nsonga kirungi . . . Amazima n'ensobi tebisobola kutabulwa wamu. Tebisobola kwetabula wamu. Kirina kuba BW'ATYO BW'AYOGERA MUKAMA bwe kitaba ekyo kikyamu. Si nsonga kitaffe omutukuvu yagamba ki, Omutukuvu Boniface, ova — ova Ssaabalabirizi w'e

Canterbury; Simanyi ani eyakyogera. Bwe kiba nga kikontana n'Ekigambo, kiba kikyamu. Tekija kwetabula wamu.

127 Ogamba, "Omusajja ono ya . . ." Sifaayo ku ki ky'akola, mutukuvu okwenkana wa, oba ekintu kyonna ekifaanana bwe kityo. Gano ge Mazima gokka amatereevu ge tulina. Tewali kkanisa, tewali kikwate, nzikiriza erina Mazima, bwe kiba wabweru wa Kino. Kati njagala ondagayo kimu ekikirina. Kati, njagala ombuulire. Nja kubikkula olupapula mu Bayibuli, mbeeko kye nkulaga. Olaba? Ggyayo emu yokka.

Onngamba, "Eya Pentekoote."

Oh, abange! Ekirowoozo ekyo waliwo omuntu gwe nakiggyeeyo eyo. Eyo y'ensonga Iwaki ekyo nkyogedde. Kiveeko, katikati, nkireke mu kiseera kino kyennyini, kubanga ekyo nkirabye nga kireeta omutawaana ogw'amaanyi awo wennyini. Ssaagadde kukulumya, wabula njagadde omanye nti ntegedde kiki ky'obadde olowooza, olaba?

128 Ebyo ebyatabikiba, byafuuka (omulabe) kufa. Ofuula langi n'eba ey'okufa bw'otabula ekintu kyonna n'ekyo nnakabala. Kiringa Kristo bwe Yayogera ku nsigo ya kaladaali. Ng'ate, ke kasigo akasingayo obutono mu zonna, naye toliiko ky'oyinza kukatabula nakyo. Kaladaali teyinza kutabulwamu. Kaladdaali wannamaddala. Kale bw'oba n'okukkiriza okwenkana awo, kwenywerezee.

Weetegereze. Obulamu, bwagoberera omuvuzi w'embalaasi enjeru, Eyali Kigambo, Obulamu, obulabisibwa abatukuvu Be abaazuukira abaali naye. Kati, olutalo lugenda kuba luty? Yesu Yagamba, "Oyo anzikiriza Nze, ne bw'alifa, aliba mulamu," Yagamba, "Bw'okkiriza Nze newankubadde o — bw'ofa, oliba, oliba mulamu. Era buli mulamu anzikiriza Nze talifa." Nate, Yagamba, "Oyo anzikiriza Nze . . . Alimuwa Obulamu Obutaggwaawo, Alimuzuukiza ku lunaku olw'enkomerero." Ekyo ky'ekisuubizo Kye Ekyawandiikibwa.

129 Setaani wuuno ajja, n'ensonda ennya zonna ez'ensi, n'Abapulotesitante be n'aba — Abakatuloki be, ne bona wamu, nga bagenda butereevu mu lutalo Iw'e Kalumagedoni. Kale. Era ne Yesu wuuno, ng'Akka okuva mu Ggulu, n'abatukuvu abaazuukidde, Ekigambo ekirabisiddwa. Nnagambye nti, Katonda bw'Ayogera, oba n'Akutuma, Ako . . . Ye — Awagira ekyo ky'oyogera. Mukiraba? Mwetegereze, bw'oba oli mubaka okuva mu Ggulu, Eggulu lyonna liri mabega wo. Eggulu lijjudde Kigambo. Uh-huh

130 Kati, weetegereze, Azze n'Abatukuvu abaazuukira, ng'Akakasa nti Ekigambo Kye kituufu. Olwo, bw'atylo Setaani amanyi, nti obunnya obutakoma bumutegekeddwa, olaba? Oh, abange! Okufa nga kuvuga embalaasi eya kyenvu, ebikwate ebitabuletabule n'ebibiina by'amadiini byamugoberera, oh, abange, okugenda mu kwawukana ne Katonda okutaggwaawo. Eyo gye yabatwala, mu kwawukanira ddala. Mu kuzuukira, Kristo Ekklesia Ye Yagivuga Agitwala mu Kitibwa.

131 Kati weetegereze olunyiriri olwo 8, kaakati . . . akatundu ekasembayo ak'olunyiriri olwo 8, nga bwe tumaliriza, olaba. . . . baaweebwa amaanyi . . . Abo "baani"? Mukiraba? Kale. Omulabe wa Kristo, ayitibwa "Kufa." "Magombe n'agoberera." Wekkaanye enkola ye ey'enningo ennya.

Omulabe wa Kristo, embalaasi njeru; ng'atta mu mwoyo, nga bw'ali omulabe wa Kristo; kutta kwa mwoyo.

Eyookubiri, embalaasi emmyufu; ng'atta n'ekitala; maanyi ag'ebiyobufuzi, ekkanisa n'eggwanga bwe byegatta.

Embalaasi enzirugavu; yatunda, bwe yafulumya enjigiriza ye, eyo gye yakozesa n'obukaba bwe. N'ateeka emmere yaabwe ku minzaani, ng'akozesa e . . . Yatunda e . . . kye baawangayo olw'emmere, olw'ekipimo, n'essente, n'ebirala.

Eyookuna, embalaasi eya kyenvu; Okwawukanira ddala ku Katonda. Nate, nnya, olaba.

Oh, abange! Katonda Atenderezebwe!

132 Kati, ekisembayo, wano nga bwe tumaliriza. Eri abo . . . Mufunye . . . obudde mbuyisizza, naye musobola okumpaayo eddakiika endala kkumi? [Ekibiina kiddamu, "Amiina." — Omuk.] Nfunye amasimu mangi nnyo, leero, ku — abaagala okwogera nange ku bye njogera wano. Wabaddewo okunoonyereza kungi okubaluseewo, ku Eriya, okutuusa ekyo Iwe ki . . . Ki — kikooneddwa ekisusse. Era musobola . . . Kale, muleke bulesi . . . Nsaba Katonda Annyambe nsobole okubayamba mulabe kye ndaba. Munaakiraba? Ka tugezeeko okukiraba.

Olaba. Nga tumaliriza, kati wano, kiri eri abo abatakkiriza nti omubaka asembayo eri omulembe gw'ekkanisa ye Eriya nnabbi, omusajja ofukiddwako amafuta mu lunyiriri olwo. Oluvannyuma Iw'okufa . . . Wekkaanye. Oluvannyuma, Iw'okufa kw'omulembe gw'ekkanisa guno ogusembayo . . . Kati, mwetegereze ekyabaawo, olaba. Oluvannyuma Iw'okufa, emirambo gyabwe gijja kuzikirizibwa n'ensolo ez'omu nsiko. Ekyo mukimanyi. Kati, ekyo bwe kiri. Ng'egyabwe, egypt'olina ekifaananyi kya Yezeberi.

133 Kati tugende mu Okubikkulirwa 2:18 ne 20. Nzikiriza ekyo twakakiraba eddakiika ntono eziyise. Nnakiwandiise wano olwa . . . Yee. Ekiseera kya bwonoonefu bwa mpisa, Bwe kityo bwe kyali. Laba engeri gye kyalimu, engeri Yezeberi gy'ayingiram

Kati, Yezeberi ge makanisa, amakanisa gano ag'omulembe; kati, si Omugole. Yezeberi, mu Ndagaano Enkadde, ky'ekifaananayi ky'ekkanisa ya leero, okusinziira ku Kigambo kya Katonda, mu Okubikkulirwa 2:18, 20. . . . oleka omukazi oyo Yezeberi, eyeeyita nnabbi omukazi, . . . Olaba? Si bwe kiri? [Ekibiina kiddamu, "Amiina." — Omuk.] Kati, kifaanaanyirizibwa bulungi ddala ne Yezeberi. Kati, ekisooka . . .

134 Tujja kubawa buwi Kyawandiikibwa ku Kyawandiikibwa, olaba, nti omulembe ogusembayo Bubaka bwa bunnabbi eri Ekkanisa, nga bugiyita okukomawo eri Ekigambo nnakabala. Kati, mwetegereze. Si bwe kiri? [Ekibiina kiddamu, "Amiina." — Omuk.] Malaki 4 yakyogera, n'abalala, Okubikkulirwa 10:7, n'okukka wansi.

135 Mukiraba? Yesu Yennyini Yakiragulako, n'okkirira, n'okkirira, n'okkirira. "Nga bwe kyali mu nnaku za Lutti," n'ebirala bwe bityo, n'okweyongerayo. Kisigala kigenda kyeyongerayo. Yezeberi ky'ekifaananayi ky'ekkanisa ey'omulembe ennaku zino kubanga Abakatoliki n'Abapulotesitante beegasse kati. Te — tewali kukyebalama. Byombi bibiina by'amadiini, kale kiri ddala — bali ddala maama ne muganda we, ky'ekyo. Basoberwa ne bawakana bokka na bokka, naye kintu kye kimu, bombi bamalaaya. Kati, ekyo si nze nkyogera. Nkinokola kuva mu BW'ATYO BW'AYOGERA MUKAMA. Mukiraba?

Kale Kati twetegereza nti, eyattibwa ekiragiro kya Katonda, yali Yezeberi, yattibwa kubanga Katonda Yatuma Yeku okugendayo amuyise mu ddirisa, era Yezeberi n'attibwa. Embwa ne zirya omubiri gwe, (ekyo si bwe kiri?) Yezeberi yennyini. [Ekibiina kiddamu, "Amiina." — Omuk.] Akabu, kabaka we, omutwe gwe; embwa zaakomba omusaayi gwe, nga Eriya eyasooka bwe yalagula.

136 Mulaba wa gye tugenda, temulabayo? Lwaki? Eriya eyasooka yali muntu eyagaanibwa, amakanisa. Era Yezeberi ne Akabu be baali abakulembeze b'amakanisa ago, ekkanisa n'eggwanga, byonna wamu. Era Eriya n'abikkulira Akabu ebibi bye, n'alagira ekkanisa yonna okuddayo ku Ekigambo eky'amazima. Bwe kiba ng'ekyo ddala Eriya owookubiri si ky'ateekwa okukola bw'ajja eri ekkanisa eno, leero, "okuzzaawo Okukkiriza okwasooka"! Siraba ngeri yonna gye mugenda kukyebalama. Ky'ekyo. Mukomeewo ku Kigambo ekituufu! Ky'ekyo.

137 Kati bwe muba mwagala okulaba emibiri gyabwe, ka tugende wano mu Okubikkulirwa 19 oluvannyuma — oluvannyuma Iw' Ekigambo okubatta. Kati, Ekigambo kigenda kubatta. Ekyo mukimanyi. Kale. Kati, mwekkaanye mulabe ekibeerawo Kristo bw'Ajja, mu Okubikkulirwa 19, okutandika n'olunyiriri 17.

Ne ndaba malayika ng'ayimiridde mu njuba;

. . . Kati, ekyo kibeerawo mu kiseera kyennyini oluvannyuma, labayo waggulu wano. "N'ekyambalo kye nga kimansiddwako omusaayi. Era Ayitibwa KABAKA WA BAKABA, ERA MUKAMA W'ABAAMI." Mu lunyiriri olwe 13, "Ayitibwa Kigambo kya Katonda." Mukiraba? Kaakati, wuuno wano, "KABAKA WA BAKABA, ERA MUKAMA W'ABAAMI."

Awo ne ndaba malayika . . . Kati mwekkaanye. Avaayo.

Ne mu kamwa ke ne muvaamu ekitala eky'obwogi, ateme amawanga nakyo: . . . "Okuva mu kamwa Ke," ng'okuva mu kamwa ka Katonda okugenda mu kamwa ka Musa. Olaba? Era alibafuga n'omuggo ogw'ekyuma: era . . . alirinnya essogolero ly'omwenge — essogolero ly'obusungu bw'obukambwe bwa Katonda Omuyinza wa byonna. Era alina ku kyambalo kye erinnya . . . ku kisambi kye erinnya eriwandiikkidwa nti, KABAKA WA BAKABA, ERA MUKAMA W'ABAAMI.

Ne ndaba malayika . . .

Kati wekkaanye. Kati Afuluma, ng'Atta. Atta ani? Yezeberi ne Akabu we, nnabbi ow'obulimba.

Ne ndaba malayika ng'ayimiridde mu njuba; n'ayogerera waggulu n'eddoboozi eddene, ng'agamba ennyonyi zonna ezibuuka mu bbanga nti, Mujje mukunngaane ku mbaga enkulu eya Katonda;

138 Abawaayo eri ennyonyi n'ensolo ne zibalya. Kati mwekkaanye wano mu ssuula endala wano, ey'Ekitabo ky'Okubikkulirwa. Era, katono nnyo, "Yatta n'ekitala, n'okufa, n'ensolo ez'omu nsi." Olaba? Ekkanisa ya Yezeberi, omubiri gwayo (gwennyini), gugenda kuliibwa ennyonyi n'ensolo ez'omu nsi. Ddala nga Akabu ne Yezeberi bwe baali, mu mubiri, nabo bwe bagenda okuba, mu ngeri ey'omwoyo, ekkanisa. Mulaba kye ntegeeza? [Ekibiina kiddamu, "Amiina." — Omuk.] Kale.

139 Eriya . . . Oh! Eriya ye yali nnabbi mu nnaku za Akabu ne Yezeberi, mu mubiri. Era yasuubizibwa okukola ekintu kye kimu, okusinziira ku BW'ATYO BW'AYOGERA MUKAMA, mu Kigambo, eri Yezeberi, ow'omwoyo; obuweereza bwe mu ngeri ey'Omwoyo. Wekkaanye.

Eriya, newankubadde, mu nnaku ze, yalasibwa ddala bulungi era awataali kubuusabuusa, teyayinza okubazzaayo eri Ekigambo. Ekyo bwe kiri? Newankubadde, nga Eriya yagezaako, na buli kimu. Yakola buli

kintu. Ya — yabalaga obubonero n'ebywuuunyo; ne basekera mu maaso ge. Kintu kye kimu kye bajja okukola na kino wano eky'omwoyo, olaba. Teyayinza kubazzaayo ku Kigambo.

140 Mu bukadde n'obukadde . . . Kkanisa, kati wuliriza, nnyo kati, mmwe abatabuddwa ku kino. Okuva mu bukadde n'obukdde obuli mu nsi, mu biseera bya Eriya, Yezeberi ne Akabu bwe baali nga be bafuga, mu — mu kifaananyi eky'ekifaananyi ekiwakanya leero; okuva mu nsi yonna, waaliwo lusanvu bokka abaalokolebwa olw'okubuulira kwa Eriya. Ekyo si bwe kiri? Ekyo bwe kiri ddala.

Mulabeeyo, Eriya teyamanyaako wadde nti waaliyo n'omu eyo. Yalowooza nti ye yekka eyali awonyeewo, okutuusa Katonda bwe Yabembula akamu ku Bubonero n'Amulaga ekyama mu Kitabo, nti Yalinayo olusanvu abataavunnamira bikwate ebyo bye baalina. Katonda bwe Yabikkulira Eriya Ekitabo Kye, Yagamba, "Kati, mutabani, lindako katono. Nninayo olusanvu ebweru eyo abanywedde, abaalina amannya gaabwe mu Kitabo ng'emisingi gy'ensi teginnabaawo. Bange." Whew! Katonda yabembula Obubonero. Eyo y'ensonga Iwaki nsuubira Yokaana yaleekaana nnyo ku lunaku olwo. Ateekwa okuba nga yalaba Erinnya lye Omwo, mukiraba. Olaba? Lumu Katonda Yabikkula . . .

141 Eriya, yali abuulidde. Yali akoze buli kintu, era — era — era nga yeemazeeyo. Yali akoze buli kintu kye yali asobola, naye era "baamunngoola", baamuyita buli kintu, ne bagamba, "Ggwe ovaako bino byonna. Oli musamize. Ggwe oleeta emitawaana gino gyonna. Gukusinze," n'ebirala ebiri bwe kityo. Baamwogerera buli kintu. Yezeberi n'amutiisatiisa okumusalako omutwe, n'ebirala byonna. Ky'ekyo. Buli muntu yamulwanyisa.

Olwo n'agamba, "Mukama, nga mmaze okukola ebyo byonna, bye Wanngambye! Nsigalidde ddala n'Ekigambo Kyo. Bwe wabaako kye wanngamba, saatya. Nnagenda butereevu mu maaso ga bakabaka, n'ebirala, ne mbagamba nti, 'BW'ATYO BW'AYOGERA MUKAMA.' Era tolina ky'Onngambye, ne sikibagamba, era ne kitatuukirira. Kati nzuuno, nze nzekka asigaddewo, era baagala okunzita."

142 Katonda n'Amugamba, "Nngenda kubembula akamu ku Bubonero Mbeeko kye Nkulaga." Nti era, "Omansi, Nninayo olusanvu eyo, abatavunnamye maviivi oku . . . abatannaba kwegatta n'ekimu ku bikwate ebyo, ebibiina by'amadiini. Waliwo olusanvu abeeteeseteese olw'Okukwakkuliba, olaba." Oh! Oh! Yagamba nnabbi We, gw'Abikkulira Ekigambo Kye, olaba, okuyita mu Byawandiikibwa. "Nkyaliyo amannya lusanvu egeeteeseteese, okuva mu mulembe guno; bali lusanvu. Tebavunnamye eri" (singa nkyogera mu nnaku zino) "ebibiina by'amadiini, nga bakuziddwa, mu bikwate."

Mulaba kye ntegeeza? Olwo, kirina kuba. Kiteekwa kuba. Era kiri kusinziira ku Kigambo. Omusajja bw'alirabisibwa, aliba nnabbi. Ddala nga bwe ndi wano ku kituuti kino. Mukiraba? Era agenda kuyimirira butereevu n'Ekigambo ekyo. Talitoolako olw'ebikwate by'omuntu yenna oba ekirala kyonna. Ky'ekyo. Aliba musajja wa mu bibira, nga Erisa bwe yali, ya . . . era nga Yokaana bwe yajja. Ali — alikyawa abakazi, (munnange!) abakazi ab'empisa embi! Whew!

143 Munnange, agenda kubafunvubirako! Eriya yakikola, era ne Yokaana yakikola. Olaba? Olaba? Era alibeerera ddala butereevu n'Ekigambo ekyo. Aliba — awakanya ebibiina by'amadiini. Ebibiina by'amadiini? "Temulowooza kwogera mu mitima gyammwe nti, 'Tulina Ibulayimu ye jjajjaffe,' kubanga mbagamba nti Katonda Ayinza mu mayinja gano okugafuuliram Ibulayimu abaana." Mukiraba? Mazima ddala.

Kati, mikwano, ky'ekyo. Akabonero Akookuna kaakano, nga kabembuddwa. N'abavuzi b'embalaasi ennya babikkuddwa, mu kutegeera kwange okusingayo. Kati, bino byonna bye byabaawo ku nsi. Akabonero akaddako, ke tulaba, kali mu Ggulu, emyoyo we giri wansi w'ekyoto.

144 Kati, mu kumaliriza, njagala okwogera ebintu . . . bigambo bitono nnyo, wano wennyini, byennawandiise. Waliwo bye tubuuse, mu Bubonero buno obuna, Obubonero obuna obusooka. Kati, olunaku Iw'enkyo, tu — tujja kukyusa ekitundu, okuva ku bintu by'ensi ebyabaawo. Atunula waggulu wano n'alaba emyoyo egiri wansi w'ekyoto, ekyoto, ekya ssaddaaka. Olunaku oluddako, okusala omusango. Olunaku olwokuna, oba olunaku olusembayo, olunaku kwa Sande, simanyi kinaabaawo. Simanyi kiki bino ebirala kye bitegeeza. Mbisoma busomi nga nammwe bwe mwakola. Naye, "Waaliwo akasiriikiriro nga ka kitundu kya ssaawa," naye waliwo ekyabaawo. Mmusuubira okukibikkula. Ajja kukikola. Ndi mumativu nti Ajja kukikola.

Tubadde tulina okugenda, mu bitundu eby'enjawulo mu Byawandiikibwa, mu Okubikkulirwa 19, okulaga nti okujja kwa Kristo kujja kutta omulabe wa Kristo.

145 Eyo y'ensonga Iwaki nnabaddde bino nnina okubireka, ntiale ennyiriri ezo ebbiri. Mbadde nnina okugenda mu bitundu eby'enjawulo mu Byawandiikibwa, okulaga obukakafu bw'ebintu bino. N'olw'ekyo eyo y'ensonga Iwaki nngenzeeko mu Okubikkulirwa 19, okulaga enkomerero y'omulabe wa Kristo, nti kuliba kutta; okwa Kristo, bw'Alijja, Agenda kutta omulabe wa Kristo. Eri Okubikkulirwa 10, okulaga nti Obubaka bwa Malayika Owoomusanvu ajja kuba muntu, mu nnaku zino ezisembayo, nga Katonda Amufuseeko amafuta olw'obuwereza, ddala nga Eriya nnabbi bwe yalina, nga bwe kyalagulwa mu Malaki 4, okubikkula Ekigambo eky'amazima ekya (nnakabala) Katonda mu mulembe guno, Ekigambo kya Katonda

nnakabala mu mulembe guno. Nga bwe yakola ku Yezeberi ow'omubiri, n'omusajja ono naye bw'atyo bw'alikola ku Yezeberi ow'omwoyo, amakanisa ag'ebibiina by'amadiini.

Mbadde nnina okugenda mu ssuula eyoomusanvu . . . essuula ey'ekkumi, ennyiriri 1 okutuuka ku 7, okukakasa nti bwe kyali. Era ne mu Malaki, ne Amosi, n'awalala, ekyo okukikakasa. Eriya yali nnabbi eyalagula era n'asalira Yezeberi omusango, mu mulembe ogwo gwennyini. Era Eriya teyafa. Mazima ddala teyafa. Yalabika nate, oluvannyuma Iw'emyaka lunaana, ku ludda Iwa Yesu Kristo, ku Lusozi olw'Okufuuusibwa. Si mufu.

146 Kati, tukiraba nti Omwoyo We wa kufuka amafuta ku musajja omu, okusinziira ku kisuubizo kya Katonda, mu nnaku ezisembayo ; ekintu kye kimu kye yasuubiza ku Yezeberi ow'omwoyo, nga bwe kyakolebwa mu Yezeberi ow'omubiri, mu mulembe ogusembayo.

Y'ensonga Iwaki nna — nnagenze buziba mu Bayibuli, okukikakasa, mulyoke muleme okusigalamu ekibuuzo mu mitima gyammwe. Bwe kibaamu, munteegeeze. Kale, mpandiikira ebbaluwa, oba akapapula. Era bwe kikwataganira ddala, era n'eri ensolo okuzikiriza emibiri gyabwe mu nnaku ezisembayo, ng'azibamalirawo ddala nga bwe zaakola ku luli.

147 Ku kubikkulirwa kwange okusingayo, okwo okwampeebwa Katonda era ne kiragulwa nti kigenda kukolebwa, gano ge Mazima agabavuzi b'embalaasi abana ku kye mmanyi ekisingayo. Yesu mumulwoozaako ki? [Ekibiina kisanyuka — Omuk.]

Mmwagala, mmmwagala
Kubanga Ye Yasooka okunjagala
N'Angulira obulokozi
Ku muti e Kalivaaliyo.

148 Kati mujjukire, awatali . . . (Ky'ekyo; genda mu maaso; ekyo kirungi.) nga ssirina ndowooza yonna embi eri omuntu yenna mu kibiina kyonna eky'eddiini! Kubanga Katonda Alina abaana mu nkola y'Abakatoliki. Alina abaana mu nkola y'Abamethodist. Alina abaana mu nkola y'Ababaptist. Bameka ku abo, bona abaava mu nkola ez'enjawulo, abali wano leero, abaavaayo bwe mwalaabu Omusana? Ka tulabe emikono gyammwe. [Ekibiina kiddamu, "Amiina." — Omuk.] Kati, mujjukire, waliyo abantu eyo abali nga mmwe bwe mwali. Naye enkola y'etta, olaba. Mwoyo gw'omulabe wa Kristo gwe gumala ne gubatuusa awo we batasabolera kuwulira Mazima.

149 Era mujjukira jjuuzi ku kusibibwa n'envumbo, bwe nnakuyitamu? Omuntu bwe yawuliranga okuyitibwa kwa jjubiri, n'agaana okuteebwa, yatwalibwanga ku kikondo okutu kwe ne kulambibwa n'olukato. Okutu kw'okozesa okuwulira. "Era okukkiriza kujja na kuwulira." Olwo bw'Akiwulira, n'agaana okukkiriza eddembe lye, olwo aba . . . alina okuweereza mukama we kibiina kya ddiini obulamu bwe bwonna. Amiina. Oh! Oh, abange! Si wa kitalo? [Ekibiina kiddamu, "Amiina." — Omuk.]

Mmwagala, mmmwagala . . .
Kati ka tuwanike emikono gyaffe
tumusinze.
Kubanga Ye Yasooka okunjagala (Ekitiibwa!)
N'Angulira obulokozi
Ku muti e Kalivaaliyo.

[Ow'oluganda Branham atandika okumuumuunya Mmwagala — Omuk.] Kati mukoteke emitwe gyammwe, era kati ka tumusinze nga bwe tulumuumuunya. [Ow'oluganda Branham yeeyongera okumuumuunya nti Mmwagala.]

150 Mukama, nga tukwebaza nnyo! Mukama, ndi musanyufu nnyo, nkusanyukidde nnyo, n'abantu Bo. Ayi Mukama, Watugulira obulokozi, e Kalivaaliyo. Mukama, tubukkiriza n'essanyu. Mukama, kati tukebere, n'Omwoyo Wo, era bwe mubaamu mu ffe ekibi kyonna, Mukama, obutakkiriza bwonna ku Kigambo, omuntu yenna wano, Kitaffe, ataddamu nti "Amiina"; ku buli kisuubizo kyonna ekya Katonda, nsaba Omwoyo Omutukuvu Akke kati, Omuvazi w'embalaasi enjeru, ng'Omwoyo We, Omwoyo wa Kristo, mu maaso g'omulabe wa Kristo, Ayite ababe.

Abayiteyo, Mukama. Nkusaba beenenye kaakano, bajje mangu gy'Oli era bajjuzibwe Amafuta n'omwenge; bakyusibwe okuva mu kyambalo ekyo eky'ebibiina by'eddiini eky'okufa kwa Kayini, bafune ekyambalo ekyeru eky'Obulamu Obutaggwaawo, ekigabibwa Omugole Omusajja. Olwo lumu bajja kugenda ku Kyeggulo ky'Embaga, mu Kigambo ekirabisiddwa eky'okuzuukira. Kikkirize, Mukama. Kebera emitima, abantu nga bakulindirira. Mu Linnya Iya Yesu!

151 [Ow'oluganda Branham atandika okumuumuunya Mmwagala — Omuk.] Kati, kebera omutima gwo,

muganda wange, mwannyinaze, mukwano gwange. Mbadde nammwe okumala ebbanga ggwanvu. Gino giringa emyaka asatu-mu-esatu. Nnali mbabuuliddeko ekintu kyonna mu Linnya lya Mukama ne kitatuukirira? [Ekibiina kiddamu, "Nedda." — Omuk.] Munoonye Kristo kaakati nga mukyalinawo omukisa ogukikola. Ekiseera kijja mangu we kinaaba nga temukyasobola kukikola. Okiraba? Ekiseera kyonna, Ayinza okuva ku ntebe, ey'okuwolereza Kwe; olwo oyinza okukaaba n'omutima gwo gwonna, oyinza okukuba ebigere ku ttaka, oyinza okwogera mu nnimi, oyinza okudduka eno n'eri, oyinza okukola kyonna ky'oyagala okukola, ne weegatta ku buli kkanisa mu nsi, ne wataba, nga tewakyali Kisaanusa mabala ga — bibi byo. Olwo olikola ki, olwo oliba wa?

152 Kale, nzikiriza, n'omutima gwange gwonna, nti entebe ekyali nzigule. Nzikiriza Akyali ku Nnamulondo ya Katonda. Naye mangu ddala Agenda kuyimuka kati, Ajje, okubanja by'Anunudde. Akola omulimu gw'Omununuzi ow'omu Lulyo, Luusi nga bw'alindiridde. Omanyi, naye amangu ddala, Bowaazi bwe yamala okukola omulimu ogw'omununuzi ow'omu lulyo, yajja n'abanja omugabo gwe, era ekyo kyennyini Bayibuli ky'egamba nti ky'Akoze. "Avaayo n'Atwala Ekitabo." olwo okuwolereza kuba kukomye; Nnamulondo Agivuddeko. Tewakyaliwo Musaayi nate ku Ntebe ey'Okusaasira. Era olwo kiki ekibaawo? Ntebe ya musango.

Tokiganya kwogera, mu lumu ku nnaku zino nti, "Nnalowooza nti Okukwakkulibwa kwalina okubeerawo." Olwo n'owulira Eddoboozi emabega, nga lyogera nti, "Kwabaawo dda." Katonda Akuyambe! Kati ka tukoteke ku mitwe gyaffe.

Ow'oluganda Neville, jjangu, olw'okusiibula oba kyonna ky'ogenda okukola. Katonda Abawe omukisa, okutuusa olunaku lw'enkyo.



www.messagehub.info

Byabuulirwa
William Marrion Branham
 "...mu nnaku z'eddoboozi..." Kub. 10:7